

πi
1533

Q.H.

S

sch

Q

8



8



Q.N. 34 f. 3.


Spielteuffel.

II i
1533

Ein gemein auß
schreiben von der Spieler

Brüderschaft vnnnd Orden/ sampt iren
Stifffern/ guten Wercken
vnnnd Ablass.

Wie einer kurzen angehenckten erklä-
rung/ nützlich vnd lustig zulesen.



Anno/ 1562.

Faint, illegible handwriting in red ink, possibly a title or description.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)

Faint, illegible handwriting at the bottom of the page.

8 70
sch
w
T
ein
w
lic
C
sic
G
l
Pe
St
da
li
de



Den Erfamen vnd Wol
weisen Burgermeistern vnd Rathman
nen der Statt Kirchain / wünschet Eustac
chius Schildo / Gnad vnd Fried
durch Christum vnsern
HERRN.

WER Same / Wolweise /
Großgünstige liebe Her
ren vnd Freund / es stehet
in der Offenbarung Jo
hannis am 12. Capitel ge
schrieben / Wehe denen die auff Erden
wohnen / vnd auff dem Meer / denn der
Teuffel kommet zu euch hinab / vnd hat
einen grossen zorn / vnd weiß / daß er
wenig zeit hat Dise wort seind ein tref
liche warnung an alle Menschen / beide
Christen vnd vnchristen / daß sie nicht
sicher seyen / vnd mutwilliglich wider
Gottes gebott leben / oder was inen ge
lüstet vnd eynfelt thun sollen / als wer
kein Gott oder kein Teuffel / der vns
straffen vnd verderben köndt / Sonder
daß ein jeder gedencke / Er sey ein sterba
licher Mensch / das ist / in Gottes oder
des Teuffels gewalt. Denn der mensch

A ij

Vorrede.

ist nit von jm selbst / sondern von Gott
geschaffen / nicht nach des Teuffels / son-
dern nach Gottes Ebenbilde / das ist /
Er sol haben in der Seelen das schöne
licht des rechten erkentnuß Göttlichs
wesens vnd willens / im hertzen rechte
liebe zü Gott / vnd hertzliche freud an
Gott / im verstandt / rechte Weißheit /
Gott vnd die ordnung aller Creaturen
recht anzuschawen / Vnd im willen ein
solchen gehorsam / wie Gottes gesetz er-
fordert.

Sihe / also ist der mensch anfänglich
geschaffen / vnd mit den aller besten Ga-
ben gezieret worden / Vnd so lang er in
solchem bild bestanden / ist er ein lebens-
diger heiliger Tempel Gottes gewesen /
Gott in jm / vnd er in Gott blieben. Zur
selbigen zeyt hat es mit den Menschen
noch keine not / kein wehe vnd vnglück
lag im auff dem halse / sondern da war
eitel gerechtigkeit / herrligkeit / paradiß
vnd Säligkeit / Alles was der Mensch
selbst war / vnd was er allenthalben in
der ganzen Welt sahe / sihe / das war
sehr güt.

Aber

Vorrede.

Aber bald hernach verfüret in der
Sathan mit list vnd betrug / wendet in
vom Göttlichen gehorsam ab / wirt sei-
ner mechtig / vñ wirfft in in die Sünde /
Ah hie hebt sich jammer vnd not / den der
mensch weicht von Gott / vñnd Gott
von menschen. Hie ist er von Jerusalem
hinab gen Jericho gangen / vnd vnder
die Mörder gefallen / die in den dermas-
sen verwundet vnd zerhackt haben / dz
nit allein im menschen das vorige Bild
jemmerlich verderbt vnd zerstöret wor-
de ist / sondern der Sathan hat in auch
darfür angeschmieret sein vnflätiges
Teuffelisches Bild / als in der Seelen
greuwliche blindheit / im hertzen feind-
schafft vnd vnlust wider Gott / im ver-
stand zweiffel an Gott / vnd vnver-
standt in allen dingen / im willen freffel
vñ vngheorsam gegen Gottes gebott.

Es ist aber solcher schad den ersten
Eltern nit allein widerfaren / noch bey
inen allein geblieben vnd auffgehört /
sondern ist auch auffß ganz menschlich
geschlecht geerbet vñnd eingewürgelt /
wie sich solcher schade bald eugete vnd

Vorrede.

sehen ließ im Cain / welcher weder für
Gott noch seinen Eltern vnd Brüder
etwas güts thun wolt / sondern erzeigte
sich gegen sie mit Worten vnd Wercken /
aller Ding nach des Teuffels bild willen
vnd wolgefallen bis in die Gruben. Je
weiter sich aber hernach das menschliche
geschlecht außgebreitet vnd gemehret
hat / je tieffer ist in ihnen dz Teuffliche
bild eyngerissen / darumb seind die menschen
immerdar erger worden / also / daß
es Gott auch reuwet / daß er den Menschen
geschaffen hat / Ist auch durch die
vnermessliche Bosheit der Menschen /
endlich verursacht worden die ganze
Welt mit der Sündflut züerseuffen / auß-
genommen acht Seelen / die in der Arch
erhalten wurden.

Wiewol nun die Menschen hernach
an solcher erschrecklicher Straff der Sünd-
flut vrsach genug gehabt hetten / täg-
lich solchen grossen Schaden so der Teuf-
fel dem menschliche geschlecht gethan /
vnd sie alle dardurch in so erschreckliche
Zorn vnd Straffe Gottes gebracht
hatte / züerkennen / vnd daran die Sünd
vermeis

Vorrede.

vermeiden lehren/ jedoch seind sie vom
Teuffel dermassen wider verblindt wor
den/ das sie solchs alles wider in vergess
vnd verachtung gestellt haben/ sind vil
erger worden als ire vorsehē/ haben sich
mit gewalt wider Gott auffgelehnet/
die propheten/ Christum/ Gottes Son/
seine heilige Aposteln getödtet / alles
dem Teuffel zu gehorsam/ sein Bild da
mit an den Tag zugeben / wie es Chris
tus den Jüden klärlich vnder die aus
gen sagt: Ir seyt vom vatter dem Teuf
fel/ vnnnd nach euwers vatters lust wolt
ir thun/ etc. Johan. am 8. Cap. Darum sie
von Gott auch widerumb dermassen
seind gestrafft worden/ das sie nicht als
lein Leyb vnd Güt/ Land vñ Leut/ son
dern auch die ewige Säligkeit verlorn
haben/ wie Christus sagt: Dz reich Got
tes wirdt von euch genommen/ vnnnd den
Heiden gegeben werdē/ die seine Frucht
bringē. Vñ am andern ort sagt er: War
lich ich sage euch / das diese nimmermehr
mein Abendmal schmecken werden.
Also ist das Weh/ davon der Geist Got
tes in Apocalypsi redet/ immer je lenger

Vorrede.

Je heufftiger über die Menschen außge-
schütt worden/darum/ daß der Teuffel
zū jnen kommen / vñ sie jm nach seinem
wunsch vñnd beger biß in die verdamm-
nuß gefolget haben.

Es sagt aber vorgemelter spruch/ dz
der Teuffel zum aller ergsten wüten/ to-
ben/ vñ die menschen zū allerley lastern
vñnd sünden treiben/ vñnd also über sie dz
wehe mit hauffen bringē werde im lez-
ten theil der Welt/dieweil er weiß / daß
er wenig raum vñnd weil hat die Men-
schen in die ewig verdammnuß zū verfū-
ren. Nun ist kein zweiffel / das diß die
lezte zeit der welt sey/wie es alle Gotts
fürchtige hertzen bekennen / vñnd wir
überflüssige Zeichē haben/die da bewei-
sen/daß der tag des Herren für der thür
sey / vñnd solchs erkennt der Teuffel vil
besser als wir.

Daher kompts/ daß allenthalben die
vngerechtigkeit jetzt überhand nimpt/
die Menschen in allerley sünden ersof-
fen seind/ dz jnen nichts mehr schmeckt
vñnd wolgefelt / den laster vñnd schand/
vñnd wirt noch darzū immer erger / daß
ei

Botrede.

Einem Christē schier grauwet zū leben/
vnd wir warlich selbst klagen / es könne
nicht erger werden / es gieng denn alles
zū boden. Solche fehrliche zeyt / hat der
Geist Gottes gedeutet mit diesen wor-
ten / Wehe denen / die auff erden seind /
den der Teufel kompt zū euch hinab / ꝛc.
Es sein jetzt all Teufel los / vn̄ zum höch-
sten vn̄rūwig / denn er fürcht sich vor
dem ende / darumb wil er sein Unkraut
heuffig außsäen / weil der Weizen noch
wechset vnd stehet / ob er noch etwas er-
sticken könd / nach der erndtē zeyt weiß
er / das jm nichts davon werden kan.

Darumb dürffen wir Christen kein
besserung der Welt hoffen vnd erwar-
ten / denn es hie klerlich stehet / Je neher
es mit der Welt zum end kommen wer-
de / je greuwlicher werde der Sathan sei-
nen zorn wie ein Sindflut über die welt
außgiessen / wie es den̄ augenscheinlich
gnug allenthalben zū sehen ist / wer n̄r
die augen auff thun wolt.

Es ist aber vns in dieser fehrlichsten
zeyt sehr n̄zlich vnd tröstlich / wenn
wir mit büßfertigem hertzen betrach-

Vorrede.

ten/ Das dennoch Gott anfänglich den menschen nicht in des Teuffels bild vnd ewigen tod hat stecken vnd vmbkoms men lassen wollen/ sondern hat in wider rumb zu seinem Göttlichen Lebenbilde verneuwet durch sein wort vñ verheissung/ so er dem Adam selbst gethan / vñ gesprochen hat: Des weibs Samen soll der schlangen den kopff zertretten. Solches wort verachtet Adam warlich nit/ sondern nimpts mit ganzem ernst zu hertzen/ vnd glaubt/ das er vmb des verheissenen samens willē Gott widerum̄ angenehm sey / vergebung der Sünden/ vnd wiges Leben habe/ ob er gleich sihet/ das er jetzt nach dem fall ein greuwlichers Bild ist denn das es zuvor war.

Also ist Adam sampt seinen nachkommen/ die an solche verheissung Gottes mit glaubigen hertzen sich gehalten haben / wider Gottes Kirche worden/ welche er vmb des verheissenen Samens willen für des Teuffels zorn behütet/ vnd sie hernach für vnd für durch seine Verheissung dem Abraham / Jacob/ vnd David gegeben / wider erbauwet/ erhalte

Vorrede.

erhalten/ vnd zur ewigen Seligkeit ge-
bracht hat/ Darneben aber ist der grös-
ste hauff im vnglauben blieben / vnd ha-
ben mit dem Teuffel zur verdammuß ge-
eilet.

Wie nun Gott anfechtlich vnd sonst
zu allen zeyten sein Kirch vñ Wort er-
halten hat/ ic. Also sehen wir / daß er in
diesen letzten zeyten vns auch gethan/
sein Euangelium wider angezündet vñ
offenbaret hat/ welches den Teuffel mit
gewalt angreiffet / malet in ab mit allen
seinen farben/ listen vñ tücken / warnet
vns auch dafür / tröstet vñ sterckt vns
im glauben/lehret vns auch wie wir im
widerstand thun/ vñ im Glauben über-
winden sollen. Solches erkennet aber
allein das Klein heußlin der Kirchen Chri-
sti/ nimpts mit dancksagung an/ vnd er-
helt mit dem fleissigen gebät/ daß Gott
dem Teuffel vñnd seinem anhang nicht
nachlest das Euangelium außzürotten/
wie er gern wolt.

Gleichwol leßt der Sathan nicht ab
die Kirche Christi grimmiglichen anzü-
fechten / vnd weil er vns das Euange-

Vorrede.

lium muß gönnen/Esans nicht dempffen
noch hindern/so hindert er doch in vilen
menschen desselben krafft vnd effect/dz
sie es allein bey dem gehör lassen bleibē
vnd mit der that oder neuwen Christli
chen gehorsam nicht hernach wöllen.
Reißt also manchen menschen vom E
uangelio ab / vnd bringt in mit den an
dern Unglaubigen Gottlosen hauff in
sein Reich. Zie ist aber die schuld nicht
des Euangelij oder Gottes/ sonder des
Teuffels/ vnd ires eigenen vnglaubens
sicherheit vnd bosheit / darinnen sie dem
teuffel gewaltiglich folgen/vnnd inen
nit verbieten lassen durch Gottes wort
welchs sie reichlich dafür warnet. Den
Christus spricht klar/wenn der gute sa
me Göttliches wort aufgeseet werde/
so sey der Sathan in der menschē hertz/
vnd reisse es hinweg/das sie nicht glau
ben noch sällig werden. Solche warnüg
(sag ich) können sie all in Wind schla
hen/werden sichere Epicurische Sew/
die weder nach Gott vnnd seinem reich
etwas fragen/ja sie glauben der keines/
darumb nemen sie der Welt war/vnnd
ge

Vorrede.

geniessen derselben auff's best sie immer
können/mit Fressen/Sauffen / vnd an-
derer üppigkeit / wie jr Keym anzeygt/
Ede, bibe, lude, post mortē nulla uoluptas.
Das geht jetzt mit gewalt im schwang/
vnd ob wol das Euangelium hefftig
straffet / vnd zum bußfertigen leben ver-
manet / so hat doch niemandt ohren / ge-
hen alle den Irrweg für vns hin / seind
erger zülentzen vnd vmbzüteren als
die Esel vñ pferde / das Gott wol über
vns klage möcht / wie er im propheten
David über sein Volck klaget / Dixit sem-
per: hi errant corde. Ipsi uerō non cognou-
erunt uias meas, quibus iurauī in ira mea,
non introibunt in requiem meam.

Ja also wolts auch der Epicurische
Teuffel / sampt seinen gesellen dem Fress-
teuffel / Sauffteuffel / vnd Spielteuffel /
gehabt haben / Es ist jm vmb das eini-
ge requiem zū thun / wenn er vns das
kan nemmen / so leßt er vns hie ein zeyt-
lang haben vnd behalten was wir nur
wünschen vñ begeren / aber zū letzt reißt
er alles hinweg / vnd leßt vns auch
nicht eins tröpflein wassers geniessen /

Vorrede.

Das ist das ende eines Epicurischen lebens.

Weil aber / Ersame / Wolweise liebe
Herrn / der Spielteuffel auch ein giftig
stück vom Epicurischen Teuffel / vnnnd
mit den geringsten schaden in der Chris-
tenheit thüt / vnd doch jederman in für
keinen schedlichen Teuffel helt / hab ich
fromen hertzen zum guten vnderricht
der spieler Brüderschafft vnnnd orden /
samt iren stifttern / guten wercken vnd
Ablass / mit kurzem beweiß / das spielen
vnd doppel (wie die Welt jetzt übet vñ
braucht) sünd sey / auff etlicher leut bitt
vnd beger in den Druck verassen / vnnnd
denselben K. K. W. dediciren wollen /
vñ dreyerley vrsach willen. Erstlich dz
mir / da ich zur zeyt ein Kirchainischer
Cantor war / von K. K. W. vnnnd vielen
fromen Lynwonern überflüssige wol-
thaten seind erzeigt worden / darfür ich
mich noch zur zeyt nit gnugsam danck-
bar hab erzeigen können / jetzt aber hie
mit anfahen / vnd so viel hernachmals
mir möglich / gegen K. K. W. mit danck-
barkeit fortfaren wil. Zum andern / das
der

Vorrede.

der würdig Herr Leonhardus / **E. E. W.** Diaconus / dieses Aufschreibens ein vrsach vñd anfenger gewesen / vñd fast auff diese weise / sampt dem Ehrwürdigen Herrn Martino / **E. E. W.** pfarherr auff der Cangel das Epicurisch spiel so bey jren zühörern vñ pfarkindern über hand genommen hett / gestrafft haben. Zum dritten / daß **E. E. W.** solches beherziget / vñd mit ernst das spiel verboten vñ abgeschafft habē / damit andern Oberkeyten ein gut Exempel gegeben / gleicher weise dz spil zu dempffen / vñd nit wider zur stetiger übung kōmen lassen / darzu ich verhoff diser Druck auch fürderlich seyn werd. Ist derhalbē mein bitt / **E. E. W.** wider das Spiel zugebrauchen angefangen / für vñd für zūvolziehen / nicht müd werden noch auffhören / Darzu verleihe **E. E. W.** Gott der Vatter vñsers Herrn Ihesu Christi durch den heiligen Geist / sein gnad / langes leben / guten Rath / vñd glückselige Regierung / vmb seines Sons willen / Amen. Datū in der Königlichē Statt Lucka / am tage Martini / 1557.

[Faint, illegible text, likely bleed-through from the reverse side of the page.]

Schm
des
In
sam
vnd
ver
auf
vns
mit
vns
vor
ges
nig
ben
fen
son
das



Spielteuffel.

Wir Spitzbubē/dops
ler / vnd alle Spielbrü
der / sampt vnsern treu
wē gehülffen / den Kar
tenmaleren / Würffel
schneidern / vnd den künstreichen Meistern
des Schachts / Brettspiels / vnd anderer
Instrument / darauff man spielet / auch
sampt allen zukünftigen Meistern vnd
vnd erfindern neuer listiger spiel / vnd der
verborgenen künsten vnd Meisterstücken
auff dem Spiel. Thun in dem nammen
vnser Abgotts des Spielteuffels (welcher
mit allem seinem Heer vnd rüstung auff
vns zusehen / vns zuschützen vnd zufördern
vom gewaltigem Fürsten dieser welt auß
gesandt / verordnet vñ bestetigt ist) jedermes
niglich / so in vnsern Orden sich zubege
ben willens vnd geneigt ist / kundt vnd of
fenbar / daß wir nicht vmb gewins willen /
sondern vmb kurzweil willen spielen / auff
daß wir vns des sauffens enthalten.

W

Aber gleichwol / wenn wir etwas gewin
nen / es sey durch glück / oder mit list vnd be
trug / so nehmen wirs herzlich gern an / las
sens vns gefallen / vnd seind guter ding drü
ber / schenckē auch wol etwas ins gelag / die
andern damit frölich zümachen / oder auff
den folgende tag ein new Fest vnserm Ab
gott züstifften / damit im allenthalben der
weg bereitet / vnd wir spielbrüder in seinem
treuwen dienst bey samen bleiben / vnd die
Brüdersafft durch kein Ketzerey / so vnser
ren Orden ansicht / möge zerrissen werden.
So wir aber verspielen / sehen wir saur / ge
ben niemand kein gut wort / sind grimmig /
beissen für zorn die zeen züsammen / fluchen
Gotts marter / wunden / leiden / pestilenz /
vñ Frankosen / auch andere greuwliche vn
erhörte wort / darfür Himmel vnd Erden
zittern möchten.

Wenn wir aber das gelt / so wir bey vns
gehabt verspielt haben / leihen wir bey an
dern mehr / welche vns offtmals zum spiel
ehe vnd mehr vorstrecken / denn zu andern
ehelichen vnd nützlichen gewerben. Haben
wir aber das gelihene Gelt auch verdistillis
ret /

ret / gehen wir als bald wider heim / holen
mehr / oder senden heim / daß vns die Weis
ber mehr schicken sollen / wollen sie es nicht
thun / vnd sehen sawr drum / daß wir daß
gelt also liederlich verspielen / können wir dis
sem allen zuvorkönnen mit schelten vñ fluz
chen / gehē heim in disem vñ jenem namen /
vnd wollen dem weib das gelt auß der haut
dreschen / So sie vns aber entlauffen / haus
wen wir die kästē auff / dieweil das weib etz
wa mit den schlüsseln entsprunge / od so wir
dieselben in der bosheit nit finden können.

Finden wir gelt im Kasten / so muß es
heraus ehe es verschimmelt / ist aber keines
vorhanden / so müssen vnser vnd vnser weis
ber Röcke / mentel / silberne Gürtel / vñ ans
der geschmeide / welchs wir selbst nit erwor
ben sondern etwa von vnsern Voreltern
vnd guten freunden / vns zum zier vnd
schmuck bescheiden vnd angeerbet sind / her
halten / gehen wider zu vnsern spielbrüdern /
fahen auff s neuw an zu doppelu / der hoff
nung / daß wir das vorige wider gewinnen
wollen / setzen flugs auff / vnd duplieren
alle mal den Sak / auff dz / so vns die schan

Ke etlich mal gereht/vñ wir das spiel gewin-
nen/wir desto ehe das vnser wider bekom-
men/vnd noch wol mehr darzü gewinnen/
wenn das glück gut ist.

Verspilen wir aber dz gelt gar/behalten
keinen Heller im Beutel/vnd keinen Rock
am halß/so gehen wir den mit larem Beu-
tel wider heim/dürffen nicht sorg tragen/
daß vns das Gelt darauß gestolen werde/
oder die Motten in die Kleider kommen.
Seind auch über das anderer grossen ar-
beit überhaben/das wir nemlich nicht so
bald mehr auffsetzen vñ spielen dürffen/
sondern halten nun dargegen feyertag vnd
sehen zü/wie sawr es andere ankumpt/ehe
sie das Gelt/wie wir gethan/verspielen/
Aber solch barmhertzig zusehen/ist nicht so
lustig/als selb mit spielen/werden derhalben
bald verdrossen drüber/vñ stalen vns endt-
lich heimlich weg/wie wir können.

Kommen wir aber heim/so bringen wir
die schwere franckheit der Armut am halse
getragen/dieselbe macht vns abermals so
ungedultig/dz wir nit allein für leid schier
weinen/sondern heben auch an im Hause
der

dermassen zu rumoren / daß alles für vns
lauffen muß / jagen Weib vnd kind auß /
auff daß wir allein Herr im hause bleiben /
So vns aber noch etwas im wege ligt oder
stehet / muß es auch zerschlagen vnd zerbro-
chen seyn / es sey Schüssel / Teller / Löff /
Krüg / Kannen / Ofen / vnd Fenster / ach-
tens nicht daß es schade sey / viel oder wenig
gestehe / vnd vns eine böse nachrede bringet /
Wiewol sich aber hernachmals bald der
reuwel findet / so haben wir doch den trost /
wenn wir nicht viel behalten / daß vns nicht
vil verbrennt wenn feur außkompt / dz wir
vns auch nit hengen dörfen / denn reiche
leut hengen sich gern / vnd groß reichthum
besitzet der Teuffel.

Wer nun nit also gesinnet ist / der taug
zu keinem Spieler / ist auch nicht würdig
daß er eine alte Karte solt anrüren / schweis-
ge denn ein neuwe in die Faust nehmen / vnd
gehören solche Leute niergend besser hin /
denn nur zu kleinen kindern / die vmb Ros-
ten vnd Nußschalen spilē / bald auffhören /
dazu keinen gewin davon bringē. Zu vnser
Brüderschafft gehören sie nicht / denn wir

setzen flugs gelt auff / heben zu Pfennigen
an / bessern es zu groschen / bis man mit vol-
ler hand / vñ zu ganken Talern zusetzt / vnd
ob wir vns gleich offtmals vnder einander
eben hart straffen / vnd vil gelt abgewin-
nen / das einem wol grauwen möcht wider zu
vns zukommen / vñ bey vns zu seyn / jedoch
können wir nit von einander bleiben / sond
müssen stäts auff ein hauffen ligen / auch
hat einer den andern vil lieber denn sein eys-
gen hauff / weib vnd kind / darumb wir vns
bald auff den morgen bey dem braunten
Wein / oder bey tag im Stattkeller / oder
andern guten ort / da es vns gelegen ist / zu-
sammen locken. Haltē also in sustia disen or-
den / dz wir selten daheim bleiben / stäts seyn
müssen da man spielt / tag vnd nacht mit
höchstem fleiß in der neuwen Karten stuz-
dieret / wenn die alte weggeworffen ist / auch
mit allem ernst die augen über den Würf-
feln außsiehet. Denn auffsehen ist im spiel
die beste schank / vnd wer nit wil die augen
auffthun / der thū den Beutel auff.

Unserer guten werck seind auch vil / als
spilen / fluchen / liegen / betriegen / schlagen /
rauff

rauffen/morden/zerbrechen/vnnd dergleichen/welche nicht schlechte/geringe kinder vnd leute thun vnd außrichten könnē/auch nicht blöde forchtsame herken darzü gehören/sondern rechte küne Helden/vnd dapfere Leute/König/Fürsten/Herren/Edelsleut/Rauffleut/reiche Bürger/Bauwren vnd andere Waghelse mehr/welche nicht allein allerley Schanden verwinnen/sondern auch allen Schaden so sie andern züfügen/ja den Menschen selbst/bezalen können/wenn sie in beschediget oder gar ermordet haben.

Unser Ablass ist hie ein zeitlang Cains sicherheit/zü lezt sein reuel vnd buß/dort aber ewigklich heulen/weinē/zeenklappen. Mit welchem Ablass der Stiffter dises ordens nicht karg od' neidisch ist/sonder theils gern vnd miltigkichen auß allen die das Spiel fördern/vnd nicht hindern noch verbieten. Darumb mag ein jeder vnserm Abgott dancken/vnd nach solchem Ablass Seuffzen/der da hat lehren die Karte kenne/die augen auff den würffeln zelen/vnd allerley list vnd lustige Künste auff

dem Spiel üben / denn es muß nicht aussen
bleiben / sondern vnns widerfahren vnnnd zu
theil werden / wenns gleich an keinem an-
dern ort geschicht / als im Himmel / da die
Engel mit feulen lauffen.

Unser Abgott / Herr vnd anreicher ist /
wie anfencklich gehört / der Spielteuffel /
welcher vns spielen heist / auch sein lustig
zum Spiel macht / daß vns das hertz im
leib lacht wenn wir von Karten vnd Würff-
feln hören / oder dieselben sehen. Ja lehret
vns auch vnrecht spilen / die Bletter in die
Karten schichten / vermengen / zwicken vnd
zeichnen / auff daß wir sie erkennen / vñ wis-
sen mögen was andere in der faust haben.
Wie köndten wir auch so meisterlich die
Würffel knüpfen / dieselben segnen vnd bes-
schweren / daß sie vnns auff Messerspiken
oder schneiden müssen bestehen bleiben / da-
zu allzeit tragen was vns nützlich ist / vnnnd
wie viel augen wir wolten / wenn vns vnser
Abgott nicht so gnedigklich solche kunst vñ
gewalt mittheilet / vnnnd auch durch seine
Diener in andern stücken seine anleitung
weist.

Denn

33
Denn da findet sich als bald zu vns sein
Oberster / der Vnrügteuffel / welcher vns
nicht daheim bleiben leßt / sondern muß vns
vnder die Leut führen / sonderlich zu den spils
brüdern / Macht vnns derhalben daheim
angst vnnnd bang / daß wir selbst sprechen:
Mir ist zent vnnnd weil lang / ich wil in den
Stattkeller / Zschafenthal / oder ander biers
haus gehen / daß ich die lange weil vertreib /
vnnnd fehlet gar selten daß sich nicht gleich
solt zu gleichem finden.

Zum andern / bleibt nicht von vns der
Profandmeister / nemlich / der Fresssteuffel
vnd Sauffsteuffel / welche vollauff zufür
ren / vnd die Küchen wol bestellen / daß wir
vns vnder einander zu gast laden / oder auff
den abend bey dem Wirt ein gute Malzent
zügewarten haben. Solches kan ich war
lich nicht außschlahen / oder mit willen ver
saumen / sondern fress vnnnd sauff mich das
selbst lieber satt / denn daß ich daheim solt
hunger leiden / so schmeckts über dz bey der
büberey allzent besser / denn daheim bey dem
frommen Weib vnd Kind.

Zum dritten / bleibt nit aussen der Bos

B v

Feurreiſſer vñ Lachenteuffel/welcher vns bey
dem ſpiel frölich vñ guter ding macht/daß
wir ſchreyen vñnd jauchzen/als weren wir
im Himmel/Vñnd wer die beſten zoten treis
ben vñnd lecheren anrichten kan//iſt der be
ſte Stockfiſch/ Aber wen die vngeschickten
Tölpel/ ja die ſich auch auff dem ſpiel meis
ter düncken / hefftig gut ſpiel in der Fauſt
haben/ vñnd kartens ſo vnfürſichtiglichen
daß ſie ſichs mit geringem ſpiel abgewinnen
laſſen/denn gehets ans rechte lachen vñnd
ſpotten/denn wer den ſchaden hat/darff für
den ſpott nicht ſorgen.

Zum vierdten/schleicht auch heimlich
mit ein der Sawrteuffel/ wenn wir verſpie
len/daß wir die Naſen rümpffen/vñnd das
ganze angeſicht verſtellen/wen vns der bit
tere rauch deß hohns vñnd ſpots/ſo wir zum
ſchaden haben müſſen/ in die Augen beißt/
die threnen heraus treibet/ mit vñnd herß be
trübt/hie iſt warlich dz lachen zuverbeißen/
Es ſeind die Spiler ſo vnbarmerzig/wen
ſie etwas gewinnen haben/ das man es fleg
lich vñnd jeñerlich gnug machen muß / wil
man etwas von inen wider erlangen.

Zum

Zum fünfften / muß sich auch allzeit mit
vnder mengen der vnnütze Bosse / der Les-
sterteuffel oder Haderteuffel / daß wir vns
über dem spil oftmals schmehen / vñ auff's
grewlichst verfluchen / auch vmb eines helz-
lers vnd Pfennings willen zanken / rauf-
sen / vnd mauschellen auftheilen.

Zum sechsten / wil auch mit vns gefells-
schafft habē der Schwerenteuffel / welcher
vns reizt / daß wir vns offft verschweren / so
man vns etwa zeihet daß wir nicht recht ge-
spielt / oder nicht zūgeses haben. Ob wir's
nun gleich gethan haben / sprechen wir den-
noch / daß mich dieser vnd jener schend / für
mich der Teuffel weg / Gott laß mich sein
angesicht nit beschawen / wo ich diß vñnd
das gethan habe /c. Derhalbē müssen mir's
die andern zūgefallen glauben / vñnd behal-
te also manchē pfennig / den ich sonst schül-
dig were zū zūsetzen.

Zum siebenden / stehet vns auch treulich
bey der Nachtteuffel / welcher vns nicht zū
rechter zent leßt heimgehen / sondern vns
immer anreizet noch lenger zūsetzen / denn
es sey noch zent genug / macht vns auch die

nacht bey dem Spiel kurtz / dz darnach man-
cher seinen schlafftrunck thut wenn der hel-
le Morgen anbricht / vnnnd der Rühirt das
Vieh treibt.

Zum achten / sikt vns auff der Zungen
der Lügenteuffel / das wir nicht die warheit
sagen / was wir verspielet oder gewonnen
haben / auch nicht leiden können / weñ man
vnns die Warheit saget / wie wirs bey dem
Spil begundt haben / sondern allenthalben
leugnen / vnd andere / so es offenbaren vnnnd
nach sage / für Lügner vñ verrheter schelten.

Zum lekten / kompt offtmals zu vns der
grobe Vnflat / der das Spil zerstöret / vnnnd
die Brüder alle irre machet / nemlich / der
Mordteuffel / welcher gar ins feuwr bleset /
vnd nit bey dem lachen saursehen / schme-
hen vnd lestern bleiben lezt / sondern entrü-
stet vns gar / das wir von leder ziehen / oder
Leuchter / fannen / ja die Rungen auß dem
Wagen erwüschien / vnnnd nicht ehe auffhö-
ren zühauwen vnd züschlahen / biß einer hie-
der ander dort todt bleibt / vnd offtmals die
andern als Theter / folgendes Tages vmb
ires mords willē auch vñgebracht werden.

Diese

Diese Teuffel all seind der Spieler Brü-
derschafft bestetiger vnd förderer / vnnnd ges-
fallen in dise vnser werck sehr wol / darzü sie
vns selbst helffen / seind vns darumb hold/
günstig vnd wolgeneigt.

Aber den Anechtigen losen Pfaffen/
vnsern klugen Weibern / vnnnd Christlicher
Oberkent (welche für heiligkeit bersten wöl-
len) gefallen sie nit / seind vns feind drum /
predigen vnd schreyen wider vns / die Weis-
ber wöllens vns wehren / vnd die Oberkente
wil vns verbieten / aber was fragen wir dar-
nach? Wil man vns das spilen daheim ver-
bieten / so spielen wir desto seyrer wenn wir
anderswo zu marckte ziehen / oder kriechen
irgendt in einen heimlichen winckel / auff
das vns der Richter nicht finde noch strafe.
In summa / wir lassen das spilen nicht /
denn wir haltens für keine sünde / So seind
wirs auch also gewohnet / vnd von vnserm
Abgott dermassen darinnen gegründet vñ
befestiget / das vns kein geringer Wind so
bald davon abschrecken soll.

Zum beschluß / sol ein jeder / so sich in vn-
sern Orden zubegeben geneigt ist / sich niche

ergern lassen / das ansecklich in der Welt
dieser vnser Orden nit vil Brüder gehabt /
Den die alten seind Narren gewesen / has
ber nit gewußt warzü das Spiel ist gut ge
wesen / haben auch nicht die Bletter zelen /
oder die augen nennen vnd kennen können.
Wir aber seind vil klüger vnd scharpffsin
niger / darumb lernen wirs bald / auch kön
nen sich auff einen tag viel hundert Seelen
in dem gehorsam vnser Ordens begeben.
Darumb schadets nit / daß der anfang ger
ring gewest ist / vns genüget / daß das ende
ist gut worden / Den es vnserm Abgott sey
lob / dahin können ist / das wenig Leut auff
Erden leben die nit vnser Ordens seind /
oder noch werden möchten / vnd ob schon
etliche meineidig werden / vnd davon wider
abweichen / so bleibet dennoch der meiste
hauff bestendig bis in die Gruben.

Diz ist vnser / der Spilbrüder / Spil
buben / vnd Topler orden / sampt den stift
tern / guten wercken / vnd Ablass / wer dersel
ben wil theilhaftig werden / der lasse sich
bey leib nit das spiel verleiden / sondern he
be von Jugend an zu spilen / bis an das ende

de seines lebens / vñ erwarte des Ablass mit
gedult / in gewisser zuversicht / es werde nit
aussen bleiben / sondern vns gewisz widers
faren vñd zu theil werden / welche solches
begeren / die sprechen von herken / Amen.

Datum im lezten theil der welt /
Da man das Spiel in ehren helt /
Denn wo vns ein gut glück züfelt /
So haben wir im hui vil gelt /
Wer sich nur so zur sachen stelt /
Als diß vnser schreiben vermelt.

Da hastu lieber Läser / der Spiler brü
derschafft vrsprung / natur / gute werck / lob
vñd ende / welches alles du mit Büßfertis
gem herken woltest betrachten / vñd dem
Spilteuffel kennen lernen / der sich anfenc
lich fromb machet / vñ nit ein Teuffel / son
dern ein grosser Heylig seyn wil / spricht
klar heraus / Er begere gewins halben nit
züspilen. Das reden im seine Kinder nach /
auch glaubens die Spiler einer dem ande
ren zu gut / damit sie das gelt auß dem beu
stel locken / vñd andere albere Schaffe mit
auff die bahn bringen / daß sie züsezen.

Allhie hüte dich / daß du dir solche wort

nicht gefallen lassest / denn es ist eitel betrug /
Gleich als wenn der Teuffel spreche / Dies
ne mir / bette mich an / ich begere deines Leis
bes oder Seelen niergendt zu / Das glaube
der Rugfuch / ich nicht. Oder wenn einer
mit geladener Büchsen für dir stünde / vnd
spreche / halt still / ich wil dich treffen / vnd
nicht verwunden / sondern nur also mit dir
scherzen vñ furkweil treiben. Du würdest
sagen / nein / scherze mit dem Teuffel also /
ich gestehe dir deines fürnemens ganz vnd
gar nicht. Eben so übel / betrieglich vñ sched
lich ist's geredt / wir wollen vmb keines ge
wins willen spilen / ja hinder sich scherren
die Hüner.

Wiltu solchs nicht glauben im anfang
des Spiels / so wirstu es am ende woler
fahren / wenn ein ander das Gelt eynstecken /
vnd dir den ledigen Beutel lassen wirdt / so
du darnach das deine wider fordern / vnd
sagē wirst / gebt mir mein theil wider / habe
ir doch nit vñ gewins willen gespilet / wer
den sie antworten / Nein / Lucas schreibt nit
also / ich weiß wazü gelt gut ist / ich muß gen
Tascherts fahren / &c. Dafür warnet dich
zwar

33
zwar der Spielteuffel selbst in diesem auß-
schreiben/da er spricht: Aber wenn wir gleich
wol etwas gewinnen/ so nehmen wirs mit
an/Es heißt/ Nehmen/ vnd nicht/ Wider
geben / wenn du anders recht Teutsch ver-
stehest. Derhalben mustu bekennen/daß die-
se wort / Wir wollen omb keines Gewins
willen spielen/eitel betrug vnd lügen seind.

Jedoch können sie der warheit ehnlich
seyn auff zweierley weise. Erstlich wenn sie
geredt werden von denen so verspielt ha-
ben/diese können mit warheit sagen: Wir
haben omb keines gewins willen gespielt.
Die anderen müssen solches Rhums wol
schweigen/ wie sie denn hernach thun / vnd
offtmals mit im spil sich vnlustig machen/
das gelt heimlich ennstecken / vnd weg ge-
hen/lassen dieweil andere warten/ vnd auff
lärem Beutel brüten/ biß sie jung vñ frisch
gelt überkommen / Solchs beweist die erz-
farung / vnd kompt manchem der schad in
die Faust / noch muß mans nicht glauben/
noch für schaden achten/alles dem Spielteuf-
fel zu gut / der solche harte finder hat/ wels-
che fein geringer rauch bald beißt. So ist
E

nun von vorerzelten worten die summa/
Ich hab nichts gewonnen / sondern verspielt/
vñ die gaben Gottes dem Teuffel vñ
seinen Kindern zu marckt gebracht / denen
ichs wolfeil gnug / ja vñ sonst / gegeben habe
/ daß sie mich nür die schönen heiligen in
der Karten haben sehen lassen. Ja warlich/
ein feiner rhum ist das / weist du dein Gelt
nicht besser anzulegen / denn also? Oder ist
die Karte so groß Heiligthumb worden/
daß / wer dieselbige recht ansehen wil / bald
muß gelt geben? Oder ist das unglück so be-
nötigt / daß mans mit gelt fauffen muß? O
lieben kinder / wie schwere rechenschaft wer-
det jr euerm Herren geben müssen / daß
jr so schentlich hatt seine Güter vñbracht.
Befere sich wer zu beferen ist / oder es wirdt
ein böß ende folgen.

Zum andern / mag es auch war seyn/
Christlichem verstande nach / nemlich / das
gewunnen güte / nichts gewinnen / das ist /
kein nutz schaffen noch gedeyen soll / wie es
denn geschieht / vñnd das außschreiben der
spieler vermeldet / daß offtmals ein theil ins
gelag gegeben wirt / offtmals einer für den
and

ändern bezaleet/ das ander theil aber folgen
des tags bald wider verschlemmet/verspies
let/oder noch wol mehr darzu setet. Denn
es heist/Wie es her kompt/so gehets wider
hin/ derhalben die erfahrung diß Sprichs
wort herfür bracht hat. Wer ist mit Spies
len reich worden? Item/ Ich hab mein les
benlang keinen reichen Spiler gesehen. Ja
laß es gleich seyn/ daß einer mit spielen sey
reich wordē/lieber sag mir/ wer hat im sein
reichthumb zugeschankt? Die blindē würfs
fel/ vnnnd die schönen Heiligen in der Kar
ten/ das ist/ der Teuffel mit seinen Gesels
ten/das ist gewißlich war.

So heist nun vom Spil reich seyn/ins
Teuffels namen reich seyn/ welcher Reich
thumb nit lang bestehen oder fort erben/son
dern zeitlich vnnnd ewig armut darauff fol
gen wirdt. Soll derwegen hiemit zugleich
verworffen seyn aller spieler einrede/das sie
sagen: Ich verspiele nicht immerdar/son
dern gewinne auch bisweilen. Item/ich ge
winne nicht immerdar/sondern verspiele
auch offtmals. Beides ist war/vnnnd durch
die zal der augen in der Karten bedeutet/

E ij

Denn auff dem ersten Blatt stehen zwey
augen/vñ heist das Taus / darauff folgen
drey/rc. Damit angezeigt wirt/wo dz glück
zweyer gut gewest ist im Spiel/ folget bald
dargegen dreyerley vnglück. Vñnd wenn
du vier mal gewinnest / soltu wol hernach
fünff mal verspielen.

Es verspielen albere Spieler auch nicht
allzeit / sondern gewinnen offtmals/ Das
Taus sticht manchmal den König/Es tre
get bisweilen der Edelman die Guldten vñ
Taler im Hut heim/ vñ lest dem Fürsten
den leren beutel. Also auch ein Bauwr ge
winnet manchmal den Bürgern die Zech
ab. Wz ist aber solchs alles? warlich nichts
anders denn lauter Betrug auff beiden sei
ten/welchs der Teuffel/wie die Karten blet
ter / also wunderlich durch einander men
get / Damit die / so kein glück haben / den
noch so sie etlich mal gewinē / des Spiels
nicht überdrüssig werden / sondern nun al
lererst recht munter vñnd frölich werden/
zum spiel lust gewinnen/vñnd dasselb besser
zu lernen gedenckē / Die andern aber so offte
mals gewinnen / desto weniger vom Spiel
ab

ablassen / dieweil es wol gelt bringet. Auff
diese weise behelt denn der Sathan die spiel
brüder in seinem gehorsam vnd dienst vns
verhindert.

In summa / verspielstu etwas / so thust
du es nicht gerne / vnd müßts doch thun wi-
der deinen willen / alles dem Teuffel züges-
horsam / machst auch darvon kein groß ges-
chrey noch klage / da du sonst / wenn dir ein
ander so vil als du offte auff einmal verspie-
lest / heimlich oder öffentlich stäle / soltest zes-
ter vnd mordio schreyen / den Dieb verflas-
gen / vnd an liechten Galgen henccken las-
sea. Gewinnestu aber etwas / so geschichts
wider ander Leute willen / welche es doch
müssen geschehen lassen / alles dem Spiel-
teuffel zügefallen / Halten dich auch nicht
für einen Spitzbuben vnd heimlichen dies-
be / Sondern für einen rechten Han auff's
Spiel / für einen glückseligen Menschen /
der ein guten Stern vnd Planeten zum
Spiel hat. Also müß ein Esel den andern
krönen.

Zum andern / sol das Spielen ein furz
weil heissen / Solchs glauben abermal die

Spieler einer dem andern zu gut / vnd wö-
len auch andere überreden / vnangesehen /
das es ein kurtweil ist / Darumb lieber Les-
ser / schaw den handel mit rechten augē an /
so wirstu es viel anders befinden / vnd hie
abermals den Spielteuffel kennen lernen.
Den wie kan das kurtweil seyn / die ganze
nacht sitzen vnd spielen? Es möcht wol ein
lange weil heißen / weñ man das kind bey
rechten Namen nennen wolt. Item / ist
das kurtweil / einen Taler / oder etlich viel
gelt verspielen / vnd dargegen daheim hun-
ger vnd kummer leiden? Ist das kurtweil /
sich über dem Spiel von eines hellers oder
Pfenning wegen erzürnen / zanken / rauf-
fen / schlagen vnd ermorden? Ist das kurt-
weil / bey dem spiel die greulichste schmach
wort / vnd erschrecklichsten Fluch von sich
geben vnd hören lassen? Item / wenn man
verspielt hat / darnach in seinem Haus so
greulich rumoren / als were man toll vnd
vnsinnig worden? Ist das kurtweil / die kä-
sten auffhauen / Schüssel Teller / Kan-
nen vnd dergleichen zerbrechen / das Weib
schelten / zum Haus außjagen / sie wollen
erstes

erstechen / oder den hals enkwen schlahen
Ich halte nicht / das fromme herzen nach
solcher furkweil verlangen haben.

Derhalben / sols ein furkweil heissen / so
laß ichs geschehen / weñs die jenigen sagen /
so ehrliche auffrichtige herzen seind / die on
arge list vnd böse begirde / zent vnd weil zu
vertreiben / im Brett / auff der Karten /
oder im Schachtspielen / setzen ein Heller
oder Pfening auff / vnd lassen es furkweil
seyn vnd bleiben / das ist / sie hören one zank
in der zent auff / vnd geben das gewonnen
Gelt etwa zum Bier / vnd seind frölich dar
bey. Aber so es die rechten spieler sagen / die
alles Gelt vnd gut in die schank setzen / vnd
darüber noch viel schnarcken vnd vnnütz
seind / denen laß ichs keine furkweil seyn /
sondern ein böse weil / darinnen der Böse
Geist vnleidig ist / vñ seine Vnderthanen /
die Bösen vnd Gottlosen / dem Bösen / das
ist / der Sünden vnd dem Teuffel dienen /
nach vnglück ringen / vnd dasselb auch über
kommen vnd anrichten / in Bierbencken
vnd daheim im hauß / das es auff den mor
gen der Balbierer / Richter / vnd alle Wele

E iij

wol erfahren / wie wir also wol gefürkweilet
haben / daß wir ein lange zeyt an vns züflis
cken haben / vnd wir den schaden in langer
weil nicht verwinden können / welchen wir
bey der furkweil überkommen haben.

Darumb ist die rede / Wir wollen vmb
furkweil willen spielen / abermals betrieg
lich / vnd verführet manchen menschen / dar
für sich fromme Christen hüten / vnd ande
re bessere furkweil üben sollen / als mit sins
gen / mit erzehlung alter geschichte vnd His
torien / mit allerley ehrlichem schimpff vñ
scherz / vnd dergleichen / dadurch dem men
schen kein schade noch gefahr zugefüget
wirt / sondern sein leib vnd leben / Gut vnd
Ehr / vnverlezt behelt / wie vor. Vorzeiten
hat die löbliche Musica in Collatien vnd
bey andern frölichkeiten / preis vnd den vor
tritt gehabt / die lange weil zuvertreiben /
Jetzt aber wirt sie veracht / vnd vnder die
Banck gestossen / daß man nun viel lieber
einen lausigen Sackpfeiffer vnd Fidler
höret / denn die lieblichen Geseng der Mus
sicken.

Zum dritten / seht diß Ausschreiben vñ
sach

sach / warumb die Spieler nicht gewins
halben / sondern vmb kurzweil willen spie
len/nemlich / auff das sie sich des sauffens
enthalten. Hilff lieber Gott / wie seind die
Spieler so andechtig vnnnd heilig worden/
Ich hab lang gehört / sagt jener Mönch/
das kein Bub so böß ist / der nicht auch ein
güt werck thet. Nun wolan / diese rede der
Spieler ist eins theils an jr selbst war / denn
wer ein rechter fürsichtiger vnd glückhaffs
tiger Spieler seyn wil / der muß nicht im
merdar die Kannen für der Nasen haben/
sondern selten trincken / damit jm das Ges
dechnuß nicht zu kurz / vnd die fenster über
der Nasen nicht zu dunckel werden / das er
etwa ein Quatuor für ein Ses / vnnnd ein
Siebene für ein Neune / oder ein Ober
man für den König ansehe.

Widerumb ist es ein ertichter Scheyn/
denn es haben doch die Spieler das Bier vñ
den Wein lieb / hören lieber mit Kannen
klappern / denn mit Büchsen schießen / sitzen
auch in gleicher Bechen / vnnnd bezahlen zus
gleich mit neben den andern / derhalben
was sie zuvor über dem Spiel verseumet

Haben/dasselb erholen sie nach dem Spiel/
sperrn die Bierkäle auff/vnnd trincken zu
ganken Kannen auß / Darumb ist solche
oberzelte vrsach nur ein deckel des spielteuf-
fels / daß man in nicht so gar kenne vnnd
so für arg vnd schedlich achten möge/Sei-
ne Diener aber/als Spizbuben / Dopler/
vnd alle Spieler / helffen mit henden vnnd
füßen solche deck puzen vnnd außbreiten/
schreyē mit ganker gewalt/ es sey besser spie-
len deñ vollsauffen/ vnnd alle so in der spiez-
ler Orden seind/glaubens mit ganker See-
len vnd allen kressen.

Aber bedenccks recht/vnd halt beides ges-
gen einander / Frag die spieler also: Wel-
ches ist besser/ein Groschē oder gleich mehr
mit guten freunden vnnd Bekannten ver-
trincken/Oder zween/fünff/zehen / gülden
vnd Taler im hui verspielen/ darauff man
wol ein halb Jar vnd lenger zechen köndte?
Welches ist besser / mit guten Nachbarn
biß omb acht oder neun zechen / von Gott/
seinem wort/oder predigt reden/ Christum
vnd seine Engel bey sich haben / Auch daß
der heilig Geist dardurch vrsach gewinne/
dich

33
dich in Gottes wort verständig zu machen /
vnd in aller Warheit zu leiten? Oder die
ganze Nacht mit dem verfluchten Spiel
zubringen / allerley vnnütz geschweh vnd
grobe Bosseren treiben / jha sich über dem
Spiel zanken / rauffen / schlagen / ermör-
den / vnd alle Teuffel vmb sich haben? Wel-
ches ist besser / mit guten freunden zechen /
vnd zu rechter zent heimgehē / mit dem weis-
be / Kindern / vnd Gesind guter ding seyn /
vnd friedlich leben? Oder lang spilen / sauf-
sen / vnd zu vnrechter zent heimgehen / et-
wa vmb mitternacht ein zetergeschrey anz-
richten / mit dem weib sich schlagen / das sie
braun vnd blau wirt / dazu vmb sonst vnd
nichts jergend ein vrsach vnd schuld vom
Daun brechest / vnd sagest: Sie hab diß vn-
das nicht gethan / sie darzu hurest / seckest /
vnd auff's aller schendtlichsts schmehest / nit
allein das Weib / sondern auch wol alle die
iren / als sey nie nichts guts an ihnen allen
gewesen / da du es oft vmbferen / vnd dich
selbst bey der Nasen ziehen möchst / auch
dein Weib sampt irer freundschaft mehr
ehren wert ist / als du ihnen dein lebenslang

nit erzeigen kanst / Lieber sag mir nun / wels
ches ist doch besser?

Wenn die Spieler allhie frey zu bekenn
nen wolten / müßten sie das Spielen nicht
so gut machen vnd achten / als sie leider
thun / vnd das Vollsaußen auch in seinen
wirden bleiben lassen / aber diß Latein ge
felt inen nit / vnd weil auff diese Frag böß
zu antworten ist / werden sie stumme hund.
Darumb muß ich inen hievon die Sum
ma selbst sagen / Saußen macht den Leub
voll / Spielen macht den Menschen toll.
Saußen macht das Haupt schwer / Spie
len macht den Beutel lár / So heist es nu /
Ich wil Spielen / auff daß ich nicht voll /
sondern toll werde / den Beutel vnd Kasten
lár mache / auff daß Weib vnd Kind na
cket gehen / vnd läre Magen haben müssen /
sonst möchten sie zu stolz vnd zu fett wer
den. O jr elenden Menschen / gehet nun
hin mit blossen Leibe / vnd hungerigem
Magen / vnd rhümet getrost / es sey besser
Spielen den Vollsaußen / Niemand wirt
daran zweiffelen / denn Gott vnd alle Hei
ligen im Himmel vnd auff Erden / ver
flucht

flucht sey ein jederman / der euch solches glaubt.

Es ist beides nicht gut / das vollsauffen vnd das spielen / denn sie dienen nirgend zu denn zur armut / verhindern die Narung / bringen schand vnd laster / verderben den Leib / verdammen die Seel / Darumb gedencck allhie ein jeder zu ruck an die erste ordnung Gottes / welche er auch bis ans ende der Welt wil gehalten haben / Nemlich / dasz der Mann sein Brot erwerben vnd essen soll im schweiß seines angesichts / das ist / mit seiner sawren arbeit / wie es eines jeden beruff vnd ampt erfordert vñ mitbringet / Genes. am 3. Cap. Er spricht nit / Du solt es im Stattkeller oder anderm Biershausz auff dem Spiel gewinnen / oder was du mit deiner arbeit erworben hast / auff der Karten oder Würffel wider verspielen. Arbeiten soltu / erwirbestu etwas / so isz das von / das ist / gebrauchsz zu deines leibs notturfft vnd narung / lege es wol an / dasz du bey demselben mehr erwerben mögest / das mit du vnd die deinen das tägliche brot haben können.

Derhalben warte du deiner arbeit / gib
bet Gott seinen seggen darzu / das dir allent
halben wol fortgehet / danck es Gott / vnd
gebrauch seine Gaben wol vnd recht / fleuch
das Spiel / meid die Schlemmeren / müß
siggang vñ andere mittel / dadurch der Sa
than solche gaben gedencet auß deinen hant
den zu reissen / oder ja dahin zübringen / das
du sie übel anlegst.

Darnach betrachte auch fleissig / dz dich
Gott zum Haupt vnd Herren über dein
Weib gesetzt hat / vnd nit zum Tyrannen /
darumb laß sie vngeschendet / viel mehr vñ
geschlagen / weñ sie / als ein getreuwe Hülf
ferin / das deine zü rath helt / dir zum spiel
kein Gelt geben wil / vnd sawr darab sihet.
Ja lerne diß falls am sawer sehen deines
Weibs / oder auch ander leut / Gottes sinn
vñ gemüt erkennen / denn solcher ernst vnd
sawr sehen in menschlicher Natur über das
böse / ist eine gewisse anzeigung / das Gott
warhafftiglich über das böse vnd alle sünde
zürne. Derhalben du es warlich dafür hal
ten solt / so dein Weib sawr sicht vnd zür
net / wenn du das deine so jemmerlich vmb
bringe

bringest vnd verspielest / daß Gott vil mehr
darüber sawr sehe vnd zürne.

Auch soltu allhie betrachten den spruch
des Heyligen Pauli / 1. Corinth. 7. Der
mann ist seines leibs nicht mechtig sonder
das Weib / desselben gleichen ist das Weib
ires leibs nicht mechtig / sondern der man.
Was solche wort an in selbst bedeuten / laß
ich jetzt bleiben / vnd schließ allein diß das
rauß / daß der Mann seiner Güter / seines
gelts / vnd alles was er haben mag / nicht
allein mechtig sey / sondern auch das weib.
Derhalben thut sie nicht vnrecht / der sün-
de / wenn sie dir kein gelt zum Sp. I geben
vnd schicken wil / sondern sie gebraucht alls
da ganz Christlich jr recht vnd gewalt / das
rab du nicht sawer sehen / oder bald schles-
ge außtheilen solt / sondern viel mehr die
lassen wolgefallen / sie darumb lieben vnd
loben / vnd gehet damit deiner autoritet
nichts ab / wie sich die vnverstendigen vnd
eigensinnigen Köpff düncken lassen / sonder
du beheltist sie viel mehr dardurch / dieweil
du ein jedes theil sein recht vnd gewalt be-
halten leßt / wie es Gott vnd die Natur

fordert. Dergleichen ist das Weib irer gü-
ter / ires Gelts / vñ alles was sie haben mag /
auch nit allein mechtig / sondern der Mann.
Darumb so das Weib spielen vñnd flugs
auffsetzen wolt (Wie man zu vnsern zeiten
erferet / daß vil Fürsten vñd Fräuwen vom
Adel / viel reicher weiber der Kauffleut vñd
Bürger / daß Spil hefftig üben vñnd tren-
ben / etlich hundert Taler vñd Gũlden ver-
spielen dörrffen) Soll der Mann hierinnen
sich gewaltig wider sein Weib aufflehnen /
sawr sehen / vñd jr mit nicht das Spiel ge-
gestatten / vil weniger gelt darzü geben. Vñ
ob gleich das Weib ihren Mann / wie offft
geschicht / hette reich gemacht / vñnd sie der-
halben sagen wolte / Du Bettler / ich spiele
vñnd das meine / es ist mir vñnd nicht dir
sawr worden / darumb wil ich spielen vñnd
dich nicht ansehen. Auff solche wort gehört
zum besten vñngebrante Asch / vñnd ein En-
chen Butterweck / daß er dem Weib auffm
Rücken zerschmelz / Doch mag er auch hie-
rauff mit diesen vñnd dergleichen Worten
antworten: Liebes Weib / du bist deines
güts vñd gelts nicht allein mechtig / sonder
auch

auch dein Mann/darumb folge mir/vnnd
laß ab vom spiel/2c. Ist ein Christliche
Alder in jr/so wirdt sie wol gehorsam seyn/vn
den Mann seines Rechts gebrauchen las
sen/dieweil es on das schand ist / vnnd sehr
übel stehet/so die Weiber spilen.

Sihe/ wenn beide Part auff dise weise
sich wolten lencken lassen/würde viel zank
vnnd vnglück außbleiben/ da sonst / wo ein
jedes seinem Kopff nach wil / nichts denn
allerley zwytacht darauß folgen kan/denn
wirt es bald gehen müssen / wie jener saget:

Wehr/ wehr Elß wehre/

Daß wir nicht zu reich werden.

Zerbrich du Krüge/ich die Töpff/

So schlagen wir vns vmb die Köpff.

Berspiel du den Mantel/ich den Rock/

So gerhaten wir an den Bettelstock.

Wer aber solches vnfalls wil überhaben
seyn/der muß sich warlich des Spiels auß
ser / seine Kleider vnd Gelt zu rath halten.
Thustu nun solches/vnd erlangst etwas in
vorrath/so gedencck / das es nicht zuviel ist/
bedarffstu es heut nicht/vileicht bedarffstu
es morgen / wo ja nicht für dich / jedoch et

D

wa für deine Kinder/welchen du warlich al
so solt vorstehen/ daß sie nicht armut vñnd
not leiden dörrffen/ denn Armut hindert vil
güts/vñnd verursacht viel böses.

Zum vierdten / sezt das Außschreiben
klar/daß die Spieler des Spiels also ge-
wonet seind/ daß sie es nicht lassen können/
den sie achtens für keine sünde. In solchem
wahn sind auch fast alle andere menschen/
die des Spils für ire Person nicht achten/
lassens gleichwol in ire heusern geschehen/
vñnd so bald sich die Geste niedergesetz has-
ben/flugs die Karten auff den tisch geworf-
fen / daß mancher dadurch zum Spiel ges-
reißt vñnd angebracht wirt / der es züvor nie
in sinn genommen hett daß er spielen wolt.
Also machet die böse gewonheit / das ver-
fluchte Spiel from vñnd güte / vñnd muß als
ter ding nach des Teuffels willen gehen/
daß/wer nicht selber spielet/doch das Spiel
muß helffen fördern/gestatten/ für ein lusti-
ge gewonheit achten/Liecht/ Bier vñnd stus-
ben darzü geben.

Darumb ist hie abermal von nöten/
daß man den Spielteuffel kennen lerne/vñ
einen

33
einen Dornstrauch nicht für einen Feigen-
baum ansehe. Die Hende habe nichts vom
Spiel gehalten / sondern dasselb zu vermeiden
vermamt / wie Cato sagt; Alea fuge. Fleuch
das Brettspiel / vnd wir Christen wollen
das Brettspiel / Karten / vnd Würffelspiel
herfür ziehen. O weh vns / Wie wollen wir
am Jüngsten tage bestehen? Denn es wer-
den die Henden aufstretten für dem Ges-
richt mit den leuten dises Geschlechts / vnd
sie verdammen / Luce am 11. Cap.

Im Papsthum hat man das Spiel nie
so hefftig getrieben / ja es ist von ihnen für
Höß / Vnehrlich / vnd Sünde angesehen
worden / wie es bezeugen die alten Gemelde
so man noch hin vnd wider in den Kirchen
findet / da sie bey den Spielern auch greuz
wliche Teuffel gemahlet haben / wie sie
denn warhafftig darbey seind / damit sie die
Jugent haben vom Spil abschrecken / vnd
inen also für die Augen bilden wollen / daß
bey dem Spiel nichts güts sey / ja daß die
Doppler vnd Spieler zum Teuffel gehö-
ren. Ich hab auch warhafftig gehört / daß
im Papsthum ein Mönch lange zeit auff

Das Spiel so hart geprediget hat bis ers end-
lich dahin bracht hette / daß ein Rath befohl-
len / man solt alle Brettspiel zusamen brin-
gen / vnd dieselben verbrennen. Solchs sey
nun also oder nicht geschehen / so sag ich
doch / wenn wir nicht so blöd vnd verzagt
wären / köndten wir gleicher weise die böse
gewonheit des Spiels abbringen / an die Kar-
tenbletern den hindern wüschien / die würf-
fel vnd Brettspiel ins feur werffen / oder
wider zum Land außjagen / da sie her kom-
men seind. Aber wir müssen so fromm nicht
seyn / sondern vnns selbst zum schaden / das
böse vnkraut des Spiels groß wachsen vnd
fort pflanzen lassen. Es ist die sicherheit vñ
blindtheit jetziger Welt hierinnen so groß /
daß sie schier durch kein liecht vnd verma-
nung Göttliches worts zu dempffen ist /
doch müssen wir mit warnen vnd straffen
anhalten / vnd versuchen / ob etliche zübeke-
ren seind.

Derhalben wil ich büßfertigen herzen
zu gut (den die andern achtens für ein spot)
etliche gewisse anzeigung vnd beweisung
erzelen / darauß ein jeder sehen vnd probie-
ren

ren kan / das Spielen sünde sey / vnnnd das
nichts güts auß dem spiel entspringen kan.
Erstlich bezeugens die vier Farben in der
Karten / welche nach den vier Elementen
gestellet seynd / als:

Rot oder Blutfarb / ist wässeriger art /
vnnnd zenget erstlich an / das offtmals einer
bey dem spiel also geschlagen wirt / das im
die rote Würk über die Backen lauffet / Et
licher auch über dem Spiel erstochen wirt /
schendtlich sein Blutvergiessen / vnnnd den
Geist auffgeben muß. Zum andern / weil
solche rote Farb mit einem herken bezeich-
net ist / wirdt dardurch angezeigt / das die
Spieler jr herk in der Karten haben / vnnnd
nit bey Gott / ja das das spil jr Gott ist / bey
dem sie seind / nach dē spruch Christi : Wo
dein Schak ist / da ist dein herk / Matth. 6.

Grün ist windiger art / vnd Waldfarb /
zeiget erstlich an / das die Spiler ein gerins-
ger Wind zum Spiel / vnd auch zum zorn
beweget / wie die Bletter auff dem Baum
vom geringen wind bewegt werden. Zum
andern / das sie nit fest stehen / sondern sich
offt von Haus vnnnd Hof über die Heiden

schwingen müßten / wenn sie alles verspie-
let / oder etwa hader vnd mordt angerich-
tet haben. Darumb wie die Bletter nicht
sünder dar grünen / sondern endtlich verwel-
cken vnd abfallen / also müssen die Spieler /
wie lang sie auch grünen / endtlich verwel-
cken / das ist / verarmen / vnd sonst in ander
unglück geraten / vnd ein böß ende nehmen.

Schellenfarb ist gelb / vnd fewriger art /
zeigt erstlich an / daß die spieler hefftigen /
hitzigen / gehlichen zorn haben / welcher sich
wie feuwr / bald außbreitet / vnd nit on scha-
den abgeheth. Zum andern / daß sie hitzig /
embsig / vnd auffß Spiel so gar verstückt
seind / daß sie weder mit lieb noch leid davon
zübringen seind. Zum dritten / daß sie Nar-
ren seind / die jr Gelt vnd Güt nicht besser
wissen anzulegen / als ans Spiel / so sie es
doch täglich sehen vnd erfahren / wenn sie an-
ders nicht so nährisch vnd öckfisch weren /
daß es dem vierdten ja dreissigsten Mann
nicht angehet / was sie mit dem Spiel / nem-
lich / güt glück suchen.

Eicheln seind erdiger art / vnd fewnüss /
oder Schweinsobs / zeigt erstlich an / dz sie
von

von irē bösen fürnehmen schwerlich zubringen
gen seind/ wie ein Saw von Eckern. Zum
andern/das sie auff die lezt kaum die Ecker
ren vnd Treber mit den Seuwen zūfressen
haben/wie der verlorne Son/Luce 15.

Nun laßt vns auch den hörnichte Moiz
sen für vns nemmen/vnd besehen / wie er das
Spil mit seinem Geses vmbstößt/ vnd zur
Sünde macht / werden wirs recht betrach
ten/wirdt sichs sein selbs finden/das Spiez
len Sünde sey / vnd sünd verursache wider
alle Gebott Gottes. Der heilige Paulus
rechnet das spiel vnder die werck der Abgöt
teren/da er spricht: Werdet nit Abgöttisch/
gleich wie jener etliche wurden/ als geschri
ben stehet / Das Volck sazte sich nider zū
essen vnd zūtrincken/vnd stund auff zū spiez
len. Wiewol nun dieser Spruch/S. Pau
li meinung nach / von der eusserlichen Ab
götteren gesagt ist/ dz die Gottlosen in iren
Gottesdienst kein gelt/fleisz / mühe vnd ar
beit sparen/sondern sie wagen alles daran/
vnd lachet in ir herz im leib/ wenn sie den
selben üben sollen / da ist solch springen vnd
lauffen/solch singen vnd schreyen/soch leus

D iij

fen vnd teuten / daß sies schier nicht besser
vnd frölicher machen können / wie zu jener
zeit die kinder Israel thaten / vnd es auch
noch im Abgöttischen Papsthum / also
prechtig vnd frölich zugehet / vnd alles vol
auff ist / Jedoch mögen wir solchen spruch
wol auff das Spielen jekiger zeit deuten /
welchs warlich nichts anders ist / denn eine
greuwliche Abgötterey. Den da verlest der
Mensch Gottes befehl / suchet seine Nas
rung / Gelt / glück vnd gewin im Spiel /
so es doch Gott in der arbeit vnd schweiß
des angesichts zu suchen vnd zu erlangen
befohlen hat / Widerumb / das er erworben
hat / vnd von Gottes henden erlangt / das
setzt er auff das spiel / versuchet Gott / vnd
kompt offtmals mutwilliglich vmb alles
was er hat. Ja was wollen wir hierzu sa
gen / daß etliche bey lebendigem Leibe sich
dem Teuffel zu eigen übergeben / daß er in
hie zeitlich genugsam gelt vnd glück zum
Spiel / vnd auch warzu sie es sonst haben
wollen / gibt vnd mittheilet? Ist das nicht
greuwliche Abgötterey vnd verdamliche
Sünde? Ja freilich / allzu greuwliche sün
de /

de/vnnd fast vernünfftigen Menschen vn̄
gleublich/ wenn es die erfahrung nicht bezeu
gete.

So wirt auch bey dem Spiel Gottes
Namme manigfeltiger weiß mißbraucht/
mit Zauberem vnd Teufflicher segnerem/
der Würffel vnd Karten/ mit gewlichem
fluchen / erschrecklicher Gottslesterung/
vnd vnnötigem schweren/welches den̄ greu
liche Sünden seind wider das ander Bez
bott/über welche Gott selbst dreuwet seinen
zorn vnd straff außzuschütten/ hats auch
schon mit der that beweiset / des ich hie ein
sonderlich Exempel setzen muß von dreien
Spielern / so bey der Statt Billisaw in
Schweiz / des Sontags auff der scheiben
gespielet habē/vnder welchen einer Ulrich
Schröter genant/desselben tags vil gele
verspielt / vnnd übel darumb geflucht hat/
Da jm aber ein gut spiel kommen / hat ers
für vnmüglich geachtet daß ers verspielen
solt/hat der halbē trozig gesagt/wo er solch
gut spiel verlieren würde / wolt er Gott im
Himmel erstechen. Aber was er sich geförcht
tet hat/das ist jm widerfaren/ vnnd hat das

D v

Spiel verloren. Darab er dermassen ent-
rüstet worden / daß er seinen Dolch bey der
Spizen erwüschet / in die höhe geworffen/
vñ gesprochen hat / Er wolt denselben / so er
kündte / Gott in den Leib werffen. Was ist
aber hierauff gefolgt? Der dolch ist ver-
schwunden / vñ seind bald fünff blütstropf-
fen herunder auff die Scheiben gefallen.
Der Teuffel aber ist mit grosser Unge-
stümme kommen / vnd hat den / so mit dem dolch
geworffen / sichtiglich hinweg gefüret. Die
andern zween haben dz Blut von der schei-
ben abwaschen wollen / vñnd doch nicht ge-
kündt / denn je mehr sie gewaschen / je lenger
das Blut geschinen vñnd röter worden ist.
Weil aber solch geschrey in die Statt kom-
met / laufft jederman hinaus / finden die
zween am Wasser / welche nach bekenntnis
der that / bald seind gefencklich angenom-
men. Es ist aber der eine bald so schwach
worden / daß er im Thor umbgefallen ist /
dem seind plötzlich an gankem leibe grosse
Leusz gewachsen / die im grosse Löcher gebis-
sen / daß er davon jämmerlich vñnd schmerz-
lich hat sterben müssen. Der dritte ist in der
Statt

entz
y der
ffen/
so er
as ist
ver/
opf/
llen.
gestü
olch
Die
cheiz
ge/
nger
n ist/
fom
die
muß
om/
nach
ist/
osse
ebis/
erk/
der
tate

Statt von der Oberkeit mit dem Schwere
gestrafft worden.

33

Welch ein erschrecklich Exempel/ das
mit der Spielteuffel durch Gottes verhenck-
nuß sich selbs verrhaten/ vnd als ein grim-
miger Lew/ der die Spizbuben vnd Gotts
lesterer verschlinge / sich mit der That ha-
müssen sehē lassen / der doch sonst im schein
müß Bruder Kurkweit heissen / Aber er
Kurkweilt wie die Kat mit der Maus / vnd
der Fuchß mit der Gans / wie es jetzt erzelt
te Historia genugsam beweiset. Darumb
mögen sich allhie wol schemen lehren die
jenigen / so solchem greuwlichen anblick ei-
nen guten schein machen wöllen / sprechen
also: Ey man flucht vnd lestert nit allzeit
ob dem Spiel/ sondern gedencft auch Got-
tes vnd seines Namens dabey / als da man
spricht: Das walt Gott/ die schank hab ich
gewunnen. Hilff lieber Gott/ daß ich auch
doch einmal gewinnen möcht. Den solche
wort nicht den rechten lebendigen Gott be-
treffen/sonder er ist allein ein schendlicher
mißbrauch Göttliches Namens / Gleich
als wenn ein Dieb / so etwas zu stalen an-

griffe / sprechen wolte: D^z walt Gott. Solte nun darumb sein Diebstal gut seyn / vnd Gott wolgefallen / dieweil er in seinem namen geschehen ist? Nein / lang nicht. Es sagen die Spieler selbst / Hui sey der Spieler Gott / wen ruffen sie denn an? Wer wirdt sie denn erhören? Ach man möchte solchen mißbrauch Göttlichs Namens wol nachlassen / denn es wirdt schwere straff darauff folgen / wie das ander Gebott Gottes dröhet / vnd Gott spricht: Samuelis am 2. Cap. Wer mich vnehret / den wil ich auch züschanden machen.

Jedermenniglich muß auch bekennen / daß diß laster des spiels mit allen seinen anhangendē sünden zum meisten im schwang gehet / geübet vnd gebraucht wirdt des sonntags / oder auff andern Feyertagen / welche wir doch mit Gottes wort / vnd rechtem Gottesdienst / mit Gottes lob / preis vnd dancksagung für allerley wolthaten / so wir von im entpfangen / zübringen solten / Aber es geschicht auch nit / Sondern so bald der Sonntag herbey kommen / vnd die Mittagmalzeit geschehen ist / finden sich die junge Gesels

33

Gesellen auff dem Spielplak / was sie die
ganke Wochen erworben / oder zusamment
gestoppelt haben / das muß alles zum spiel
gedeyen. Die andern sammeln sich in Bierz
bencken / vnd wo jr drey zusamment kommen
seind / da ist's zent / das man die Karten auff
wirfft / vnder des findt sich der vierdt auch
hinzu / welche dann samplich vnd sonder
lich die schönen Heiligen in der Karten taus
sentmal lieber ansehen / vnd inen herzhlicher
wolgefallen lassen / dann den hohen Altar /
oder das Crucifix in der Kirchen / vñ muß
aller ding der liebe Sonntag mit dem vers
fluchten spiel vnd sauffen zugebracht wer
den / welchs denn greuwliche sünden seind
wider das dritte Gebott. Derhalben / wie
Christus sagt: Trachtet am erste nach dem
reich Gottes / vñ nach seiner gerechtigkeit /
so wirdt euch alles zufallen. Müssen wir
dieweil das Spiel den vortritt hat / das ges
genspiel / nemlich / allerley vnglück / mangel
vnd not haben / Denn / wie jener sagt / wer
nit ein reicher Heilig seyn wil / der mag ein
armer Teuffel bleiben sein lebenslang.

Es begibt sich auch manchmal / wenn

Sol
vnd
nas
saz
vieler
wirdt
chen
nach
rauff
dröu
am 2.
auch
nen/
en an
wang
son
welche
htem
vnd
o wir
Aber
ld der
ittag
unge
besel

Die jungen Gesellen nit gelt zum Spiel haben / daß sie es heimlich iren Eltern / Herrn vnd Frauen abstalen / wollen nicht arbeiten / gehen der luderer nach / wollen kein güts thun / betrüben ire Eltern / lassen sichs auch von der Oberkeit nit verbieten / halten sich an solche örter / da Spielen kein gefahr noch büß tregt.

Ja das noch wol erger ist / gewenen offte die Eltern selbst ire Kinder zum Spiel / so bald sie nur eine karte tragen können / müssen sie dieselben statts in den henden haben / geben iren auch gelt darzu / daß sie auffsetzen vnd spielen können / Sonderlich thun es die barmherzigen Mütterlein / die es nit über das herz bringen können / daß der Sohn still sitze vnd trawrig sey / Sondern daß er mit andern Leuten spiele vnd guter ding sey / stecken ihnen derhalben heimlich vnd offentlich gelt zu / wo sie können.

Aber sie entpfahen endtlich ein böses Tranckgelt dafür / Denn weil die Kinder des gebens von jugent auff gewonen / wölensie es immer also haben. Wenn aber der Beutel in die lenge lár worden / vnd nicht mehr

33
mehr zugegeben ist / werden sie von ihren eig-
nen kindern geschlagen vnd geschendet / wie
ichs selbst gesehen vnd erfahren hab / Dasz
ein wolgeharter Bauwr einen einigen son-
nett / welcher in der Jugend blöd vñ forcht-
sam ware / sich für andern Leuten hefftig
scheuwete / wolt sie nicht ansehen / noch mit
ihnen reden / Damit nun der Vatter seinem
Son etwas kün machen / vnd er der leut ge-
wonen möcht / nam er in / so offt die Gemein-
de zum Bier waren / mit sich / für in vnder
die leut / muß in auch offtmals mit pfennig-
gen bewegen / ja mit Ruten steupen / dasz er
in fort brachte. Da aber der Son erwach-
sen war / muß er immer bey nassen Brü-
dern sein / war des Biers vnd Spiels also
gewonet / dasz er darnach mit keinen schla-
gen / noch durch andere mittel / darvon zü-
bringen war / verzeeret den Eltern jr Ge-
lud vnd Güt / vnd gab inen vnnütze wort vnd
schlege daran. Desgleichen vnd noch wol
ergere exempel seind an andern örtern auch
vil / daran wir lernen sollen / dasz die eltern /
so den Kindern das Spielen gestatten / vnd
darzü helffen / eben damit eine Rute über-

iren eignen Hals binden / vnd muß also
Sünde mit sünden gestrafft werden.

Es ist auch offenbar / daß vil Fürsten vñ
Herren / das Spiel in ihren Landen nicht
verbieten / sondern allenthalben gestatten
ja selbst gern spielen / vnd also den Vnder-
thanen zum Spiel böß anreizung vnd er-
gernuß geben / Denn wie das Sprichwort
lautet / so der Abt Würffel aufflegt / mög
die andern Brüder künlich mitspielen. So
seind auch viel Predicanten / sonderlich in
Dörffern / die das Spiel auff der Cankel
nicht straffen / noch selbst für sünd achten
sondern lassens gehen wie es kan / spielen sel-
best mit / können nicht so bald ein scheffel
Korn oder gersten in die Scheun bringen
es muß verkaufft vnd verspielt seyn.

Auch seind gleicher weiß vil Eltern
auff das Spiel dermassen verfürzt / daß sie
es nicht lassen können / wollen nicht arbei-
ten / vnd suchen das glück in der Karten / so
sie aber das Vnglück finden / müssen sie es
auch für gut annehmen / vnd mit den iren
not leiden / Wie ichs noch diß Jar gesehen
hab / daß einer sechzehen Groschen zu sich
genom

33
genommen hette/wolt ein Scheffel Korn/
welches er geborget / damit bezalen / Aber
vnderwegen gerhiet er ans Spiel/vñ ward
des gelts im hui los. Dis alles seind greuz-
wliche Laster wider das vierdte Gebott/
vnd machen sich auff diese weise viel selbst
veracht vñ vñ vnwerth / welche doch Gote
hoch zü ehren befohlen hat.

Ferner ist das Spiel greuwliche Sün-
de wider das fünffte Gebott / denn es ver-
sacht greuwlichen zorn/zanck / schlagen/
rauffen/ vnd auch morden / wie es die täg-
liche erfahrung bezeuget/ vñ ichs offtmal
gehöret hab/das auff dem spiel etliche vmb
einer Nuß willen seind erstochen worden.
So hab ichs selbs gesehen / das zur Dhas-
me ein Meurer über dem spiel einen Zim-
merman ermordet / vñ der Theter bald
nach wenig tagen widerumb den kopff ver-
lieren muß. Desgleichē geschach zü Wits-
temberg / da ein Fleischer gesell über dem
spiel einen andern erstach/vñ er des drit-
ten tages auch vmbbracht / vñ zügleich in
ein Grab gelegt wurden.

Das sich aber solch erschrecklich wesen
E

nicht allzeit bey dem Spiel zütreget/sonder
man ist auch guter ding dabey / vnnnd helle
vnnnütze wort vnd schlege jnnen/Solchs ge
schicht vñ bleibt nâch/ entweder auß forcht
der straff vnnnd schand/so auff solche thaten
folgen/wie sie selbst sagē: Ach/ schonete ich
nicht mehr als deiner / so wolt ich dich bald
ein stück sehen lassen/2c. Oder der Sathan
lezt solchs geschehen im selbst zum vorteil/
daß er die Spiler nicht abschreckt/ sondern
zum Spiel noch sterckt / dieweyl man gü
ter ding dabey ist/ Auff daß also beide part/
die so vnnnütze seind/fluchen vnd morden/2c.
Auch die/so vernünfftig/still/vnnnd frölich
über dem Spiel seind/ in seinem gehorsam
bleiben mögen. Denn fluchen sie / so fluch
chen sie dem Teuffel/lachen sie aber / so lach
chen sie dem Teuffel/ es ist eines so gut als
das ander.

Wir können auch nit leugnen/das des
spiels halben vil vneinigheit vnder den Ehe
leuten entstehet/ dadurch der ehrliche glau
be vnd lieb offtmals zerrissen wirt / vnd ein
jede Person den Hurenweg gehet. Der
Man achtet des weibs nicht/verzeret vnnnd
ver?

33
verspielet jr alles Gelt vnd Kleider / Das
Weib gibt dem Mann kein gut Wort/
schlemmet auch frey zu / vnd verdienet gelt
wie vnd wo sie kan. Ich bin warhafftig be-
richt worden / daß ein weib / welche alles ver-
spielet hette / solte bey einem andern auff
ire scham zum Spiel Gelt gelihen haben.
Ist das nicht ein greuwlich laster? So ges-
hets bey dem Spiel nicht so rein ab / es lauff-
fen vnzüchtige gedancken / wort vnd werck
mit vnder / Dazu den die vnverschampten
Kartenmaler auch gewaltiglichen helffen
in dem / daß sie nackete Menschen figuren /
mit seltsamen geberden vnd wercken auff
die Karten flecken / Welche / so sie der Zus-
gent vnd andern ins gesicht kommen / bald
schalckhafftige gedancken / wort vnd werck
erwecken. Solchs ist ansecklich nicht ges-
wesen / weiß auch nicht was sie jetzt darzu
vervrsacht / Es were viel besser sie maleten
lebendige Teuffel dafür / die doch ohne das
auff der Karten sitzen. Aber es möchten die
Spieler dafür erschrecken / vnd würden
die Karten nicht so wol verkaufft werden.
Darumb wollen sie Gelt lösen / so müssen

E ij

sie etwas schönes / vñ nackte Weibsbilder
mahlē / Dieselb farb ist gut / sagt jener Abt /
da er eine schöne Frau ansah. Solches
alles aber seind greuwliche Sünden wider
das sechste Gebott / Vñd wehe denen / die
mit solchem besleckt seind / oder darzu vr-
sach geben.

Das auch spielen Sünde sey wider das
siebende Gebott / kan leichtlich bewisen wer-
den mit dem / das auff dem Spiel eitel list
vñd betrug ist / wer allhie denn andern über-
dölpeln / vñd das Spiel mit vorthail vñd
vnrecht gewinnen kan / der thut es ganz ger-
ne / nimpt jm darzu kein Gewissen drüber.
Solches ist aller Spieler art / das sie sich
offt selbst rhümen / vñd sagen: Wenn sie
nicht ehe gewinnen solten / sie spielten denn
recht / würden sie gar wenig Gelt behalten /
wolten auch lieber kein Karten vñ Würf-
fel anrüren. Hieher gehört das oberzelte
Laster / das vil Kinder heimlich den Eltern
gelt oder geldes werth abstählen / damit sie
zum spiel anlage haben. Ja die Eltern / so
alles auff's Spil wenden / stälen jnen selbst /
irem Weib vñd Kindern / das Brot auß
dem

Dem maul/die kleider vom Halse/lassen sie
frost/hunger vnnnd kummer leiden/ich wil
geschweigen/ das zu lezt auß Eltern vnnnd
Kindern eitel Galgenschwengel werden.
Denn arbeiten wollen sie nicht/so lezt sich
das gelt auch nicht auff der Gassen finden
wie scherben oder stein/Darum müssen sie
entweder den Leuten das gelt ableihen oder
liegen/oder müßens nehmen / da sie es nit
hingelegt haben.

So tregt sichs auch offft zu/ das die/so
zum Spiel bey andern Gelt geborget has
ben/gar selten wider bezalen/ offtmals ver
leugnen/vñ spenwort dran geben / Solchs
ist warlich auch ein diebischer handel / wie
wol solchen leuten eben recht geschicht/vnd
nicht zübeclagen seind / so zum Spiel mil
tigflichen leihen/ vnd dargegen arm seind/
vñ keinen Heller haben/wenn sie etwa irem
Nechsten in der not so vil leihen solten/Ich
halt auch / ihnen geschehe nicht vnrecht/ so
man sie mit vnder die Diebe zelete / Denn
sie stercken die Spieler / vnd stecken denen
das Gelt zu / welchen sie es billich enziehen
solten / vnnnd enziehens nottürfftigen Arz

E iij

33

bilder
Abt/
solches
wider
/ die
zu vr/
er das
m wer
del list
über/
vnnnd
is get
über.
e sich
an sie
denn
alten/
Bürf/
rzelte
ltern
it sie
n / so
elbst/
e auß
dem

men/denen sie es mittheilen solten.

So ist auch bey denen / so das Spiel in
ihren heusern gestattē solche schinderen / daß
sie nicht allein halb maß vnd Bier aufftra-
gen / sondern auch oft / vier / fünff / sechs
Pfennig od' noch mehr für ein Liecht nemi-
men / welchs sonst kaum ein Heller wert ist.
Solcher wucher wirt gleicherweiß getrie-
ben auff der Kastenbanck / da man etwa vñ
Zinnen gefeß oder anders mit blindē würf-
feln spielet / vñnd alles noch eins so thewr
auffsetzt als iuen gestehet / wenn sies sonst
so thewr bieten oder verkauffen solten / wür-
de man sie für Juden achten / oder mit stei-
nen werffen / Aber weils dem spiel zu ehren /
vnd dem Vogel schiessen zu nutz vnd förde-
rung geschicht / ist alles recht / vnd muß ein
Dieb dem andern stalen.

Es ist auch nit seltsam / sonder ganz ges-
breuchlich / daß die spieler einander vmb ges-
ringer ursach willen verunglimpffen vñnd
verleumbdē / Da muß dieser ein schelm / der
ander ein Bößwicht heissen / zeihen einan-
der solche stück vnd übelthaten / die sie nim-
mermehr beweisen können / müssen sich offte
selbst

33
selbst zu lügnern machen / wie es die erfah-
rung bezeuget. Vber diß seind die spieler
hierinn wunder geschickt / daß sie die Kar-
ten gern falsch geben / schier zuviel / schier zu
wenig haben / lassen die Bletter vnder den
tisch fallen / schielen einander ins handspil /
so jr zween überein spielen / weisen sie die Kar-
ten / wincken vnd treten einander auff die
füß / stecken auch einander die Karten heim-
lich zu / damit sie ja das Spiel gewinnen /
welchs jnen oft fehlen solt / wenn sie nit so
falschlich spielten. Wie oft sagen sie auch
nicht die Wahrheit / was vnd wie vil sie ha-
ben. Mancher klagt er habe wenig / vnd hat
doch gnug / oft auch all zuviel genommen.
Ein anderer aber rühmet er hab zu viel / vnd
hat doch zu wenig / vnd wer kan alle falsche-
heit erzele? Wie der Teuffel ein Lügner /
vnd tausent künstiger ist / also seind auch sei-
ne Spieler / lügenhaftig vnd betrieglich.
Daher denn die Sprichwörter kommen
seind / Aufsehen ist die beste schank. Wer
nicht wil die augen auffthun / der thue den
Beutel auff /c.

Endtlich / ist das Spil ein Sünd wider.

E iij

Das neundte vnd zehend Gebott. Denn die
Spiler begeren anderer Leut gelt vnd güte/
haben auch von herzen lust vnd liebe zum
Spiel. Nun ist offenbar / daß alle Mens-
chen von Natur nur zum bösen lust ha-
ben/wie die schrift saget: Des Menschen
herz ist böß von Jugend auff / Aber wenn
der Sathan hinzu kompt / vnd solche lust
zum bösen scherpffet / wirt sie noch grösser/
vnd höret nicht auff / bis die Sünde gebie-
ret. Also gehets warlich mit dem spiel auch
zu/klein vnd groß / jung vnd alt/hat jekt
schier lust darzu/ befleissigt sich auch mit al-
lem ernst dasselb zu lehren / Was nun der
Sathan hierzu helfen / vnd die herzen im-
mer anreizen kan/ lezt ers an ihm nit man-
geln / Derhalben kompt sies nicht sauwer
an/sondern habens im hui gelernet/werden
behend vnd verschmizt darauff / kans ei-
ner wol/der ander vil besser.

Solche lust vñ geschicklichkeit/ können
wir nicht haben zu Göttlichen dingen vnd
wercken / sondern seind von Natur vn-
lustig vnd vngeschickt darzu/könnens nicht
lernen/vnd wöllens nicht lehren/ ob man
vns

33
vns gleich mit schlegeln darzü treibet / vn̄ es
nur gar leicht zülernen were. So hilfft der
Sathan diß fals mit henden vnd füßen
wehren / dz es vns ja schwer vnd überschwer
düncet / so es doch an jm selbst leicht ist / das
beweiset die erfahrung.

Das A b c so die Knaben in der schule
lernen müssen / ist nit so schwer / wie mans
chen düncet / denn es seind nur 23. büchstas
ben / Aber weil es ein Göttlich werck ist / zü
des Menschen nutz vnd Gottes ehr verord
net / darzü dem Teuffel nit geringen schas
den züfüget / so es recht gebraucht wirdt /
kompts jederman saur an / vilen aber dün
ckets vnmüglich sein zülehren / lassen derz
halben von jm selbst ab zülernen.

Widerumb seind die spiel an jm selbst /
darnach die künste auff dem spiel mancherz
ley / mancherley seind auch die Steine / aus
gen / Bletter / Bilder vnd Farben / dazu hae
ein jedes seinen sonderlichen Namen / das
es derhalben vil mehr auffsehens / merckens
vnd verstands darzü bedarff / denn zum A
b c / noch ist niemandt züviel od' zü schwer /
habens im hui gelernet / ist vnser freud vnd

E v

Kurzweil / lassen vns nit lang nötigen oder
mit schlegen darzü treibē / ja man kans vns
mit schlegen nit davon treiben / Sondern
faren fort in dieser Teufflischen kunst / es
verdriesse gleich Gott / die Eltern / Ober-
keit / oder wen es wöll.

Diz einige stück ist eine gewisse anzei-
gung vnd vnverwerfflich Argument / das
spielen Sünde sey / nit von Gott / sondern
vom Teuffel gestiftet. Denn were es von
Gott / würden wir vns wol so hefftig dar-
wider sperren / kein lust / lieb / noch geschick-
lichkeit dazu habē / als wir in andern Gött-
lichen dingen gethan haben / thun vnd noch
thun werdē. Weil aber das spil vom Teuf-
fel vnd Sünd ist / darauß vil andere Sün-
de / wie bißher gnugsam erkleret ist / entsprin-
gen / vnd aber vnser Natur zu Sünden ge-
neigt ist / so haben wir hefftige lust darzü /
vnd der Sathan sterckt sie dermassen / ob
schon Gott / Oberkeit / die Eltern / vnd an-
der Leut / vns hierinnen hindern wöllen / so
springen wir doch über alles hin / vñ folgen
dem Spiel mit freuden / biß so lang zeitli-
che vnd ewige traurigkeit darauff folget.

Weil

33
Weil denn hiemit klerlich genug bewi-
sen/das das Spiel sünde sey wider alle Ge-
bott Gottes/ sol es niemandt ergern / auch
nit für ein scherz gehalten werdē / das oben
im außschreiben so ein scheußlich Register
der Teuffel/ die mit vnd bey den Spielern
vnd Spizbuben seind/gemacht ist/vnd vns
zum schrecken nach einander erzelet wer-
den / Sondern sollens dafür halten / das
sie mit grösserm hauffen vund ganzen Les-
gionen dabey seind / vund vil greuwlichers
wesens vnd schadens bey dem Spiel anzüs-
richten willens seind/als jetzt erzelet ist. Da
es aber nicht geschicht/ soll niemandt züge-
schrieben werden als der grossen vund vns
ausprechlichen gedult vnd langmütigkeit
Gottes/welcher des Teuffels werck vund
vorhaben hindert vñ zerstoret / Auch seinen
ungehorsamen Kindern ein zeitlang züsi-
het / immerdar besserung begeret vnd war-
tet / wie er spricht Ezech. 33. Ich hab nicht
lust am Tod des sünders / sonder viel mehr
das er sich bekere / vnd lebe. Vund Paulus
spricht: Weistu nit das dich die langmü-
tigkeit Gottes zur Buß leitet?

Wie selig weren wir / so wir disen rath
vnd willen Gottes mit danck annemen /
vnd folgen köndten. Ich hab selbst züvor
den Spielteuffel nicht gekannt / vnd im
doch gedienet / mich mit guten Worten
zum spiel reizen vnd überreden lassen / hat
mich auch manchen Pfennig gekostet / Als
ber Gott sey ewig danck vnd ehre dafür /
das ich jetzt andere augen vnd verstand
ob dem spiel habe / Wil hinfurt mit im das
Valete getruncken haben / vñ nit mehr dem
Bruder furkweil also opffern / wie züvor
geschehen. Was mich aber verursacht / fan
ein jeder auß vorgehenden wortē verstehn.

Vnd wolt Gott / das andere also könd
ten gesinnet seyn / wolten wir dem Spiel
teuffel bald sein vrlaub vñ abschied geben /
in zum schelmen vnd ergsten Diebe vnd
Mörder machen / welchen wir doch bissher
für vnsern lieben Freund vnd nützlichsten
Bruder gehalten haben. Denn es ist doch
das best am Spiel eitel vngöttlich wesen /
darinnen sich niemandt mag für Sünden
hüten / er fang es gleich so guter meinung
an als er fan vnd mag.

Es

Es ist nicht lang / daß ich hievon mit ei-
nem frommen vnd gelehrten Mann vnz-
derredung hielt / welcher hefftig affirmies-
ret / er köndt vnd wolt das Spiel (so er die-
zeit mit andern ehrlichen Leuten angefan-
gen) wol one sünd vnd laster vollbringen /
desß ich denn eine zeitlang zusehen / vnd an
solcher antwort mich mußte genügen las-
sen. Aber man pflegt zusagen / In fine uide-
bitur cuius toni. So gieng es hie auch zu.
Es weret nicht lang / da er das Geld vers-
pielet / vnd gar kein glück hett / ward er in
ihm selbst hefftig zornig / warff dz böß hand-
spiel im grüñ von sich / welchs da ichs für
Sünde anzog vnd straffet / antwortet er:
Ich zürne mit keinem andern / sondern mit
mir selber / vnd mit der lausigen Karten /
daß ich so gar kein glück darauff habe. Ob
aber solches an jm selbs keine Sünde sey /
laß ich andere leut vrtheilen vnd richten.

Derhalben sag ich noch / daß am Spiel
nichts güts sey / Guter meinung wirts an-
gefangen / aber das ende stimmt gar selten
mit dem anfang überein. Ists aber niche
schand / solch vngöttlich böß wesen für ehr-

lich vnd gut achten? Ja freilich ist's schand
vnd sünde/darzu fehrlich vnd schedlich an
leib vnd Seel. Wehe denen / sagt der Pro-
phet / die guts böß / vnd böses gut heissen.
Vnd Christus spricht: Wer nicht mit mir
ist / der ist wider mich / vnd wer nit mit mir
samlet / der zerstreuet. Daher kompts / das
auff dem Spiel alles muß wetterwendisch
zügehen / haben wirs jekt gut / bald haben
wirs wider böß / haben wir jekt gewonnen /
bald verspielen wir alles / Seind wir jekt
güte freund / bald werden wir vneins vnd
feinde / Seind wir jekt frisch vnd lebendig /
bald seind wir verwundet / franck vnd tod.
Solt vns doch solchs zum Spiel unlustig
machen / wenn wir anderst flug weren / vnd
nit zu vnserm eygen verderben lust hetten.

Darumb seind hoch zu loben vnd ehren
alle Fürsten / Herrn / vnd andere Oberkeit /
die irem ampt nach solch vngöttlich werck
des Spiels hassen / meiden / vnd den Un-
derthanen in keinerley weise züüben gestat-
ten / sondern verhindern / verbieten / vnd mit
ernster straff die übertretter zum gehorsam
zwingen. Hie / hie seind sie Götter / das ist /

sie

Sie richten Gottes ampt vnd werck auß/
 welcher/wie David sagt / ein solcher Herr
 ist / Non uolens iniquitatem, Solches wil
 er von seiner Oberkeit auch gethan haben.
 Sie sollen auff seiner seiten stehen/mit vnd
 neben im aller Ungerechtigkeit vnd Sün
 de widerstreben / oder so viel möglich hin
 dern vnd dempffen helffen / Gibt inen dar
 vñ seinen eigenen Namen/heisset sie Göt
 ter/damit sie ja ires Ampts erinnert/ vnd
 ohne scheuw außzurichten angereiket wer
 den.

Weil denn das Spiel nicht die gering
 ste Sünd vnd vngerechtigkeit ist / dadurch
 der Teuffel den menschen mancherley scha
 den zufüget/ handelt warlich all Oberkeit/
 so hierinnen dem Teuffel vnd seinem an
 hang wehret / wie vnd wo sie kan/ billich/
 recht vnd ganz Christlich / Wirdt ihnen
 auch ewig ehrlich vnd rhümlich seyn für
 Gott vnd allen Creaturen.

Darumb sollen sie fortfaren / vnd zu
 solchem Werck sich auch reizen lassen der
 Vnderthanen vnd jr eigen nutz / so auff
 beidem Part folgen muß. Denn da wurde

hand
 ich an
 Pros
 rissen.
 it mir
 it mir
 s/das
 ndisch
 haben
 nnen/
 ir jekt
 vnd
 ndig/
 d tod.
 lustig
 / vnd
 ten.
 ehren
 rkeit/
 werck
 Zu
 estat
 d mit
 rsam
 is ist/
 sie

mancher sein gelt vnd güet behalten / seinem
Weib vnd Kindern besser vorstehen / vnd
seiner Narung pflegen / auch der Oberkeit /
Schoß / Zins vnd Tribut geben können.
Desgleichē wirt offtmals hader / rauffen /
schlahen / vnd mordt verbleiben / Die Ober
keit mit richten vnd straffen nicht so vil zū
thun haben. Vnd das noch mehr ist / wirt
Gott selbst / allen vnd jeden / so im hierin
nen gehorsam seind / segen vnd heyl wider
faren lassen. Denn die Gottseligkeit ist güet
vnd nüt zū allen dingen / vnd hat die ver
heissung dieses vnd des zukünfftigen Lee
bens.

So bedarffs auch nicht grosser mühe
vnd arbeit / das Spiel zū hindern oder ab
zū schaffen / Sondern kan gar bald vnd
leichtlich geschehen / wo man dasselbig mit
ernst verbieten vnd straffen wirdt. Denn
was ehrlichs gemüts ist / wirdt ungezwun
gen das Spiel meiden / vnd herzlich gern
abschaffen helffen. Was aber in die Bu
bensschul gerhaten ist / vnd nit folgen noch
vom Spiel abstehen wil / kan mit gebürli
cher straff zum gehorsam gebracht werden.

Was

in dem
vnd
rkeit/
innen.
ffen/
Ober
il zu
/wirt
ierin
wider
st gut
e ver
n Les
nütze
r ab
vnd
g mit
Denn
vun
gern
Bu
noch
ürli
den.
Was

Was sich aber heimlich vnd an frembden
orten zum spiel halten vnd verbergen wirt/
Dz sol doch Gottes vrtheil/vor welchem al-
le ding offenbar seind / nicht entlauffen.

Es tregt auch kein gefahr / Das spiel ver-
dammen/ verbieten / fliehen vnd meiden/
Den Gott/der die sünd hasset / wil das die
Christen gleicher weiß die Sünde hassen
sollen / Wer nun solches thut / der ist mie
Gott/vnd Gott mit im/ wirt derhalben in
für dem Teuffel vnd seinem anhang wol
zübehüten wissen. Es werden doch die spiez-
ler sampt ihren gehülffen vnd fürderern
nimmermehr so kün seyn / deshalben etwas
böses wider ire Oberkeit fürzunehmen/ge-
schweig denn zu vollbringen.

Ist derhalben wunder über wunder/das
der meiste theil der Oberkeit hierinnen so
faul/nachlessig/ja auch verzagt ist / das sie
dem Spilteuffel vnd seinen Kindern niche
ein frumm wort sagen dörfen / geschweig
denn solche Buben straffen/ vnd sich mit
ernst wider sie aufflenē. Ach wie vergessen
sie so gar ires ampts/sie seind wechseltinder
worden/folgen dem Teuffel/vnd lassen im

33
S

seinen willen/die doch Götter / Gottesdien-
ner / vnd kinder seyn solten. Oder kan man
zweyen Herren zugleich dienen? Ja vnder-
stehen mag man sichs wol / aber vollenden
nicht. Die Kinder des Liechts sollen nicht
Kinder der Finsternuß seyn / Den was hat
die Finsternuß für gemeinschafft mit dem
Liecht?c.

Darumb solten alle Predicanten / vnd
sonderlich die Hofprediger / bey irer Ober-
keit mit allem fleiß anhalten vnd verma-
nen / daß dem Spilteuffel hinfurt mit ernst
möcht gewehret werden / Denn er ist ein list-
stiger vnd heimlich schleichender Teuffel /
der durchs menschlich geschlecht sich flich-
tet wie eine Schlang durch den Zaun / vñ
hie ein stück / dort das ander stück von seiner
giftigen Haut vnd art abstreiffet vnd hinf-
dersich leßt / Derwegen ichs genzlich dar-
für halt / das viel Oberkeit dem spiel darumb
nicht gewehret haben / daß inen des Spiels
teuffels tück vnd bößheit nicht bekant vnd
offenbar gewesen ist.

Witt derhalben / lieben Herren vnd brü-
der

33
Der in Christo / helfft dem Wolff dz schaffs
Kleid abziehen / offenbaret des spielteuffels
tück / frucht vnnnd belohnung / wie jr immer
kündt vnd wisset / auff das er nicht rhümen
vnd Jubilieren mög / er sey vnangeschrien
durch den Schaffstall Christi gekommen.
Wil denn die Oberkeit / so warlich hierin
men das beste thun kan / helffen den Wolff
mit Hunden heken / vnd wider in sein holz
jagen da er herkommen ist / wirdt sie des / wie
zuvor vermeldt / ewig rhum vnd ehr haben.
Ist sie aber nachlessig / so sind wir entschul-
digt. Die schand / sünd / vnd schwere Müls-
stein der ergernuß / sampt allem Schaden
vnnnd gefahr so darauß enstehet / bleib auff
irem halß ewiglich. Volenti nō fit iniuria,
Wollen sies den also haben / so mögen sies
behalten.

Zum Beschluß / sollen auch hiemit alle
Eltern / Herren vnnnd Frauen vermanet
seyen / das sie für ire eigne Person das spiel
auch meiden vnd nachlassen / vnd darnach
iren kindern vnnnd gesind dermassen verbie-
ten vnd verleiden wolten / das sies als jr eis

gen vnglück / vnd den Teuffel selbs fliehett
möchten. Daß sie auch die vngehorsamen
straffen / inen essen vnnnd trincken versagen /
oder endlich gar dz küloch weisen wolten /
damit aller ding eine hand der andern hilff
se thue. Denn weltliche Oberkeit sampt
den Predicanten können nit in allen win-
ckeln stecken / noch alle Büberen wissen vnd
erfahren. Darumb sollen die Eltern vnnnd
Haußherrn / als die auch ein stück von welt-
licher Oberkeit seind / nit durch die finger
sehen. Ein jeder weißt zum besten was in
seinem hauß geschicht / darinnen er also re-
gieren soll / daß er nicht den Spielteuffel
zum Haußgenossen überkomme / wie denn
allen denen geschicht die das Spil in ihren
heusern gestatten / Karten / liecht vnd Bier
darzü geben. Dañ / wo der Spielteuffel hin-
kommet vnd chnisset / bringt er vil vnd er-
gere Teuffel mit sich denn er ist / die dem
Wirt in die Herberg scheissen / vnnnd Hel-
lisch feuwr zü Tranckgelt geben.

Darunñ straff wer da straffen kan / oder
Gott wirt straffen / vnd befere sich wer zü
befere

beferen ist / wer aber nicht wil / der far hin/
er ist genugsam gewarnet. Gott gebe das
wir vns bessern / auch ein jeglicher
seines ampts trewlich warne
men/vnnd außrichten
möge/Amen.

ENDE.

33

Getruckt zu Franckfurt
am Mann / bey Wengand
han vnd Georg
Raben.



~~Am 10ten Novbr 1773~~
Am 10ten Novbr 1773

Erklärung der
Königlichen
Landesbibliothek
Sachsen-Anhalt



h/



Pou Thi 1533

ULB Halle

3

002 819 414



Inches 1 2 3 4 5 6 7 8
Centimetres 1 2 3 4 5 6 7 8

Farbkarte #13

B.I.G.



H. 34 1/3.

Spielteuffel.


II i
1533

Ein gemein auß

Schreiben von der Spieler

Brüderschafft vnnnd Orden/ sampt iren
Stifffern/guten Wercken
vnnnd Ablass.

Wie einer kurzen angehenckten erklä-
rung/müßlich vnd lustig zulesen.



Anno/ 1562